

地3.10.339  
141  
部三三

鶴慶縣志

卷一  
下

鶴慶縣志

卷一之下

地理志 子部

名勝 子之十

印墓 子之十一

鶴慶縣志卷一下

名勝 子之十



石寶天光 俗謂之佛光或現於晝或現於夜晝見者  
每歲二八月微雨新霽夕陽初麗見梵羅錦雲綉于  
一白宛如玉地有大圓光倚立玉地之上外暈數重  
每重五色環中虛明如鏡凝視者各見自身於鏡中  
毛髮可數若旁人雖至近不能見攝身光也夜見者  
必至中秋夜無纖毫雲霧滓穢太清然後自月中流  
出一點約有彈丸大中外明瑩如水晶漸下漸散成  
一白圓光懸空中須臾又有小如螢者大如盤盂者  
累累自月中墜一點一圓光與前所流下同懸一處  
從石寶高處視之如數百枚玉環搖拽於碧虛間移  
時散作銀絲縷縷盤旋首尾交合作一太極圍素彩  
奪目滿川澄澈似一小銀河照見自身若鏡中影同

遊雖多有一人見餘人或不見家人皆見一人獨不

見故亦謂之佛光讓朝郡守終鎮石寶天光行平地一川山四面石寶一峯八身

耳之東象嶺北雪竇雲門名獨擅我來渾疑路不通

遲轉峰迴壑一線盤空老樹日無光岩石出沒孤振

纏側身陡下連千尺澗底罡風吹白練須臾日氣蒸

晚雲五色紛披成綵綺千形萬態不雷同造物結撰

窮殊變遊人如入五都市左顧右盼神欲

眩回頭試問從頭路諸峯羅列儼一光

螺峰野色 峯純石斗絕不可上形如螺又如佛頂

髻登其頂四望原野見江如帶田疇如折盈環郡諸山

隱隱來赴如屏幙村舍出沒如倪迂寒林圖雲氣如

鶴鵠迴翔林莽間差可淨人耳目亦郡之大觀也郡

終鎮螺峰野色歌朝登螺髻瞰蛟河東方日出漾金

波四面峯連盡迴抱始知佳色此峯多羣山雜還總

在下如擁劍佩趨鸞波下方竹隔田可井郭邊村舍

如蒸羅縈青綠白江天暮四五閑人坐綠莎融融濕

氣虛空窄江草江花瞥眼過是時秋霖雨初晴水紋

黛色明瑤瑤把酒臨風酌白雲頓忘朱紱參漁蓑脩

然清肅辭人吏送

向江村起浩歌

涑江烟柳 江形如蛟龍每里許一折每折必逆回屈

曲如玉環遊人捧舟其中經一環約六七里夾岸皆  
 秀柳天桃每歲春時柳初舒眉間桃花點綴江潯綠  
 烟紅雨從堤上倒映水中清麗兩絕郡人有載笙歌  
 遊覽者有賦詩歌嘯咏者往來如在錦繡中又如坐

鏡中蓋一江也仰視則春在枝頭俯矚則天在水底

武陵源何必在漁人問津處耶郡守佟鎮漾江烟柳

綠柳紅桃歷波平又老遊春載酒行細草橋邊聽歌  
 聲君不見平蕪原廣鶴陽城樹以桑麻教力耕不聞  
 歲歲有徵丁天子御極憂邊氓百僚奉職賢  
 且貞天地曠哉景物明故向春江聽鳥鳴

鏡潭雪石 在拱面山高數十仞可卜陰晴自躡及頂

皆奇石巒岼有如禽而伏者獸而蹲者方如圭而圓  
 如璧者橫斜如劍而不可犯者氣象萬千大都以骨  
 勝而不以肉勝也石色白望之如積雪與下白龍潭  
 水輝映如鏡遊人從水雲中往來倦則登清虛閣而  
 憇焉郡守馬卿觴於此醉以袍袖濡墨書三大字於

石壁曰雪石巖並題聯曰玉石凌空積雪千年常不

掃金波倒影遊人五月欲生寒郡守佟鎮鏡臺雪石

初疑蹙縮仍龍從就中高者勢挈雲阜如小宗峙大

宗斧劈雲頭堆眾數咫尺疊嶂成千重鬼剝神鏡百

竅鑿自是天巧非人工一湖嵌根深無底石色水色

澄秋空水石迤邐村郭外人家都住畫屏中我昔嘗

登華山頂攀躋未饜心忡忡至今見山愛彷彿况乃

此巖摩青穹人誰淨掃岩下石看我兩腋下習習兮

生清風舉杯

摩抄青芙蓉

天池夜月在仰止山側天池寺中殿佛座下池甃以

磚石泉甚甘冽澄澈可鑒鬚眉每年中秋夜從池中

現一月輪水漸變為碧色久之清光自水中出一室

皎然雖微物亦可辨識郡守佟鎮天池夜月歌池中

邕真月清影入夜爽影不生

於取池空月何往謂月善於與東嶺尚渺茫取與雨

無闕令我

龍華迴照 即龍華寺在東山之凹巒聳峯迴朝陽不

及日夕迴照則泉石花鳥之奇殊為奪目郡守佟鎮

龍華迴照

歌爭道龍華之奇奇在山連山近山烟霧環又道山  
奇在石兼在水水石激蕩聲潺潺借問最奇安在哉  
今知奇在夕陽來夕陽翻出山光采天宇晶晶絕無埃  
初時乍見萬山紫似綺如霞射山趾須臾一場變成  
碧其浮如拭無渣滓餘光又向松間落一枝每具一  
邱壑我身高立最勝園眼底胸中如茗淪無何遠寺  
忽鳴鼓夕陽西下窗飛雨颼颼  
風勢竹蒼巖塔上一鈴獨自語

澄潭竹樹 潭名小西湖其先密箐也一夜水泛成海

廣袤約十里許奇石玲瓏聳峭無一不堪下拜者四  
面植荷花開時宛然一幅西子照鏡圖每當夕陽時

一泓澄碧如水晶盤凝視不見其底有竹修修然參  
差於老樹間在水最深處飄搖如荇菜然冬春開於  
梅花一兩枝似可以手採取即以舟篙觸之深不可

及有修撰楊升菴同侍御李中谿載繩一舟以鐵鈎  
繫繩鈎取枝葉繩沒盡竟不能至竹樹所收繩量之  
足六十丈嘆為奇觀題澄潭竹樹四大字並詩兩絕

而返 郡守佟鎮澄潭竹樹歌樂蒙石骨切肪白千天  
神底動泉脈深藏老竹四五枝正與梅花佐高

格梅竹依稀有奇色豈是水師工潑墨諦視如從天  
上燕載綫綫之不可得綫之不得可奈何珍珠深綴  
在巖阿若能水面收搭  
起不異圖書出洛河

玄化曉鐘

玄化寺在城內西南隅為郡屬叢林之最

古者環左右非官署即市廛或汲汲為名或孳孳為  
利終日勞擾自朝至昏夜曾無已時即息偃在牀而  
不次之遷不資之獲猶時縈於寤寐一聲鐘動芥梁  
夢醒時則萬慮俱清覺人世所謂勢位富厚不可忽  
之端均屬儻來於已身實無加毫末則發人深省疏  
鐘一杵何殊臨濟之當頭一棒耶炎熱界中得此一  
服清涼散彼滋補之參苓朮附舉不足與爭功也已

郡守佟鎮玄化晚鐘歌邊城十月曉霜寒民事攢心  
睡未安披衣手抱枯桐坐頓覺心和境亦寬小童勸  
我且停手試聽疎鐘響風滿壓雲走月山為摧擊碎  
珊瑚落玉盤須臾風颺聲隨起萬戶千門爛霞外風  
定餘音猶繹如淅淅淅淅淅淅淅淅淅淅淅淅淅淅  
是琴聲掩抑時洗我從來箏笛耳

右郡八景



梅城 在治西觀音山舊列八景中計共梅三百餘  
株環列成城花時冉冉如白雲初起上有三石塔負  
山屹立本豐而末銳四稜方正無歇斜色類丹砂墜  
然而中立者高百尺許其二約各高三丈許為左右  
翼中空如屋遊人從其空處扳援而上至頂平廠如  
丈室可坐六七人洞隙儼如窗櫺下視梅城如坐白  
雲中飄乎其欲仙也塔極周正外滑澤而內玲瓏非  
人間斧鑿所能施亦異境矣明博南山人楊升菴氏  
觴客於此題曰天生石塔又曰梅塢寫梅花百咏於  
其中

小西湖 在治西南百二十里龍門舍其西丹崖壁立  
根挿水底每當夕陽西下霞光四射崖影倒映湖  
中崖有毘盧觀音二閣強半鑿石為之憑欄俯瞰茫  
然萬頃遊人至此恍疑身在天上焉

雪石巖 在治西為郡八景之一詳見鏡潭雪石註

郡守周贊北山雪石詩極目雲岑絕點塵磷礧珠六  
殆相親梅花共嚼清心骨丹藥同烹激齒新曠素不  
緣風日淨巖巖已絕虎豺躡登臨疑是崑崙曲料雨  
量晴卜入神馬御詩連山白石閣嶺屹層疊瑤臺畫  
裡看積雪萬年長不掃游入五月苦生寒郡人孫桐  
道雪石巖詩面峙鬚眉淡臨流襟帶涼行來分亂石  
坐久盡空香對客思鸚鵡登臺憶  
鳳凰樽前豈問字孤壁森秋霜

落水洞 在城南二十里象眠山下即贊陀囉吟

念珠洩水處 蒙統羅四山迴合高峩峩中潞洲潭百

餘里居民兩岸限山阿一傳再傳歲月久有唐天子  
撫九有扶輿靈秀不終藏竺僧西來開洞口年珠一  
擲南山穿一百八孔水涓涓洞開水落平地現交宮  
龍窟變桑田父老相傳留此說世遠人遙難究詰理  
之所無事或有神工鬼斧蹟不滅由宋迄元歷兩朝  
五百餘年風景饒越折地當六詔一西南入貢路遺  
遙明置衛郡同時變山川頓覺開生面賢守省耕湖  
源流從此報德建祠院時當二月春水融雲屯人力  
補天工沙磔泥渣疏且瀟自春徂夏洞皆空洞空吸  
水水不逆秋有稻子夏有麥洞開洞塞非等閑萬戶  
人家大命脈君不見導河積  
石至龍門奇之又奇禹蹟存  
眠龍洞 在治西南百二十里觀音山之龍門舍洞深

五丈許潤三丈林壑幽邃懸岩瀑布清氣襲人建文

帝出亡曾築室於此即汪有典史外程濟傳所謂明

年奉帝移居鶴慶之靜室者是也

讓朝郡人王錫詩云全

陵一云凡雲從王氣消殘老夢情白帽輸忱憎病虎

縞衣遊跡託既龍北平風雨占新兆南詔山川認舊

踪為報周公應識未成王睡味十分濃齊黃無策漫

紛紅廟暮幾曾見長君景帝掌中平七國條侯天上

下三軍何憑疎澗書生議即試膏梁子勲往事那

堪搔首問蒼茫一片洞頭雲又邑人李翰香詩云

篋撇開作梵王祖傳衣鉢意難詳憐柔豈是慈悲念

碗說何安清淨場未必流言同管燕轉憐遊國異虞

唐兜孫得失家帝事累及臣民實可傷附錄建文帝

遊國紀畧遠文名兒仗明太祖之孫故懿文太子

之子也太祖崩以皇太孫即位改元建文諸王皆以

叔父行據方鎮元年七月燕王棣舉兵反五年燕兵

犯京師至金川門谷王穗路門納之頃史官中火起

皇右馬氏崩帝倉促間忽內臣昇一篋至且述高帝

遺命曰後有急即出此啟之得度牒三日應文應能

應賢僧服如之於是帝及御史葉希賢吳王教授楊

應能並為僧編修程濟為道人從宮中隧道出期從

亡諸良史仲彬郭節馮灌序平金焦黃直程亨梁良

玉王資等自秦淮水關出諸臣稱帝曰大師云師至

鎮江會於史仲彬家至襄陽主寧平家遂行明年乃

永樂元年師入滇居永嘉寺惟應賢能及程濟從

二年師去滇入蜀又入楚入吳王史仲彬家一宿入

天台三年復入蜀郭節黃直迎居於大竹縣之善慶  
 里四年三月入滇居西平侯沐晟家明日去明年有  
 言建文匿晟所者使使察無跡是年師結菴於白龍  
 山六年師在白龍山金焦郭節黃直來七年去滇入  
 蜀居善慶里八年三月還白龍山在菴憔悴夏月病  
 痢不能出山竟勝適史仲彬偕程亨郭節訪至相對  
 大慟各獻方物仲彬獨豐留一月彬請行師曰汝遠  
 來固當久留因問其子之年歲能幹欲為官否彬對  
 曰必不敢相與啼啜久之始行主臣慟哭失聲七月  
 師避傾者他去九年有司毀白龍山之菴是年應賢  
 應能更結菴於浪穹師居之十年師在浪穹三月應  
 能卒四月應賢卒十一月馮灌黃直來十一年師南  
 行至密甸十二年師在浪穹午三年師去滇入衡山  
 運至馮灌家不遇歸值灌及黃直於途俱病師留視  
 之二人卒葬之乃還十四年師在浪穹十五年別築  
 室於鶴慶山中史仲彬來白龍舊處菴毀問僧徒不  
 知何之史私泣曰彬不遠萬里來得見一面死且瞑  
 目不則得一音耗歸家亦安凡值寺院靡不拜禱尋  
 歷數郡幾兩月餘一日在鶴慶忽遇一比丘指引乃  
 得至師處留一月歸郭節之弟子了空來云節已卒  
 十六年師至黔來往於鎮西廣順之間十七年在黔  
 十八年入蜀登峩峩峩峩峩峩峩峩峩峩峩峩峩峩峩  
 慶二十一年去滇入楚二十二年入吳遇史仲彬因  
 至其家二十三年太宗崩仁宗立明年為洪熙元年  
 師渡海登普陀巖遂還鶴慶仁宗崩宣宗立師憮然  
 曰吾其免夫時出亡二十五年矣涉歷遍天下恒以  
 滇為家先是太宗永樂八年使給事中胡滂劉傑御  
 史史濡工部尚書嚴震太監鄭和假他事往來南中

物色之一日宸忽過師於清水關道上相持而哭師曰何以處我對曰上自行臣計之孰矣是夕震至驛亭自縊死尋時偵者頻至師作四愁詩以自傷最後命漢駐湖南領師凡七載始報命太宗夜召入寢殿問狀漢對曰國在然天命人心去之已久無能為也若不若姑置之度外在陛下成就聖德在彼獲終餘年太宗領之自後遂罷四出之使者宣德元年師在鶴慶使程濟往河南視王資金焦未至而資焦卒二年師在鶴慶八月薨川寇至師去滇三年在道聞史仲彬獄死哭之五月從西陵入陝十月至漢中四年三月還浪穿巷毀仍還鶴慶五年師在浪穿為文哭從亡諸臣之死者且命程濟各為之傳藏山巖中六年二月師去滇歷秦蜀楚吳趙踰嶺至桂林凡六年而後還是年宣宗崩英宗立明年為正統元年師欲東歸年六十有二矣避國初為僧十二年學易五年親佛書政楞嚴法華暑曰文和尚又二年蓄髮為道士謀老莊又七年復為僧又二年復蓄髮為道士未幾又為僧時從亡諸臣畧盡師每一念及輒悲感累日不食故有東歸之志程濟力諫阻之乃止三年師有主卷之弟子應知過去師迹露與程濟急行入粵西居橫州之金山寺四年濟請師還滇不許五年復入黔至桂州之金筑司題詩羅永卷之壁上會有同寓僧竊詣思恩土知州岑瑛所台首稱係詐言是建文帝者械入京同寓諸僧俱達逆及師時程濟已九十餘髮盡白負索以從九月師至北京御史鞠他僧坐誣妄論斬英宗使舊時中官呂亮來視師言亮常故食子鰥肉事亮伏地哭不能行視歸而自縊或曰吳誠非亮也語迎師入大內帝在滇常賦詩曰半落西南

四十秋蕭蕭白髮已盈頭乾坤有景家何在江漢無  
 清水自流長樂宮中雲氣散朝元閣上雨聲收新蒲  
 細柳年年綠野老吞聲哭未休又恐羅永巷壁云風  
 塵一夕忽南復天命潛移四海心亂返丹山紅日遠  
 龍歸滄海碧雲深紫微有象星還拱玉漏無聲水自  
 沉沉遐想禁城今夜月六宮猶望翠華臨聞罷撝嚴磬  
 懶敲笑看黃屋寄圓瓢南來瘴嶺千層迥北望天門  
 萬里遙欵段大志飛鳳輦裝新換袞龍袍百官瓦  
 日知何處惟有羣鳥早晚朝命程濟作園因作歌曰  
 菜色青兮菜根辛兮菜兮菜兮似予情兮又有滄菜  
 歌云夫菜根老菜根名因賤何尊種鋤和尚走滄  
 溉道人奔長雖新地力成實舊天忘休厥浚莫嫌村  
 嚼來滋味勝雞豚腐他日飽黃齋柳將性命存師  
 既入宮宮人皆呼為老佛以壽終矣西山不封不樹  
 云

太極洞 在觀音山南洞內土石今半宛若陰陽明

郡守何璋因以是名之下有溫泉昔蒙氏閣羅鳳琢

觀音像於壁後人因建寺其上故名南詔名山凡十

七此其一也 明郡人章明德太極洞詩云無奈人生

踪遠始信天機弄巧磨玉柱亭亭藥碧落雲牀穩穩  
 雜藤蘿瓊瑤錯愕石花亂鐘鼎橫斜山鬼窺乳笑稜  
 稜飛欲飛靈巖炳炳且復且左迴右抱擁蛟宮噓紫  
 飛青長綠茸細蔓搖風荏苒且暮古藤援壁千蒼空遊

龍脫下雄飛骨葉疊峻峙少約束更有一泓窈窕深  
 靈龜蟠椽玻璃曲初如玉露落金盤修爾瑤池浸紫  
 烟溪女織織求木難蛇人隱隱育冰蠶可留異物為  
 常玩故鎖山妖居水殿眼底參差星斗明暗中為  
 蚪龍現靈風忽至登清音刻羽流商足賞心不必方  
 壺藥廣樂可清雅抱蕙塵襟仰觀天際赤霞起又見  
 鏡下雲氣紫歛笑凝眸欲上升鶴書先報登  
 仙石假我十年忘願醉駕將黃鶴迎蕭史

垂珠洞 在治南二十三里原名蝙蝠洞洞中乳石

如垂珠清寒奇秀可愛明知府王昂改今名馬卿垂珠洞懷

平仲題給諫請守鶴慶三首其一瑣闌一別十年餘  
 萬里南天絕雁書豈憶鶴川予更請翻將清境  
 珠其二前身曾記紫台仙謫降垂珠小洞天  
 寅今浩劫世間丁亥又流年其三洞門窈窕翠巖  
 中奇珠宮白玉台仙境非遙人不到春風幾度碧  
 關按仲顯印昂昂以給諫言事改官馬以裁抑中官  
 由布政使被謫故云爾又郡人李聞詩遊垂珠洞信  
 步三羊龍潭詩聯鑿入古洞回首翫清波樹斂承陰  
 傲潭深倒影多觀魚浮竹葉避雨就雲窩三月堪修  
 楔追跡吾永和張啟賢遊垂珠洞詩無極神剎穴含  
 研石欲顛崖仙食玉髓壁佛坐青蓮犀象雲門踞鼓  
 鐘天樂懸如鴉驚白蝠擬雪自千年又同邢學師遊  
 垂珠洞云翠微一運摩青天洞壑森陰乳窟懸姑射  
 烟霞蒼壁貯武陵雜犬碧雲翻院堪白鹿宗盟在珠  
 學甌龍象圓旋我欲探奇深處去恐驚山侶訝塵緣  
 張一賢遊垂珠洞云黛客雲散滿元竅連丹邱輪囷

開瓊幔玲瓏嵌翠樓  
張公洞偏宜我浪遊  
又七律幾載衡門  
屬此遊偶從杖履  
擎雲收曉崖奇幻  
金仙狀袍笏寒侵  
玉露秋六六洞天  
翻鶴馭三三島嶼  
見麟洲倘教此勝  
生中土多少名人  
翰墨留又張學懋  
自垂珠洞遊羊龍  
潭云勝友招剪入  
梵林省耕得暇且  
披襟垂垂石乳千  
層玉脉脉羊龍一  
挿金是洞是泉隨  
杖履好山好水任  
晴陰醉歸不厭衝  
泥滑萬柳烟中冷  
氣侵

### 靈山洞

在峯頂山之陰峭壁懸崖嵌空際如龕然

人跡罕到明郡首馬卿著謝屐跡迹得之名之曰彩  
洞有詩云洞巖苔石煥丹青一竅天光下杳冥寂寂  
烟塵飛不到我來今日啓仙扃民國五年揚州僧聚  
悟雲遊至此築閣洞內洞盡仰視頂穿如突豁然見  
天洞後石壁如繚垣半畦園蔬可供餉客洞右進復  
有小洞為齋厨靜室宛然一小桃源也出洞東望羣  
山皆伏磐卡腊李溪吉諸村落雖隔重巒疊嶂不啻  
近接几席土人皆呼之為靈山洞則不知起自何時

也

邑人趙家騏題崖曰自是樓真所崖  
懸人跡稀梵音響空谷一洞見禪機



青元洞 在治北二十五里西山青玄寺北洞口綠

陰垂覆中有如石柱者三柱形奇古高六七丈許深

不可測頂有石孔日光穿透明晰秋毫石壁莓苔彩

錯如錦上有石孔懸綴西進數百步石忽偏狹有如

重門更進則頂稍低而光綫亦減非秉燭不能遊矣

上多古今名人題詠

明知府馬卿詩云夙昔慕仙位採藥訪名山蓬瀛殊恍惚勝景

自人寰世網猶未脫遙遊遍林巒山椒洞門啟玲瓏

得餘閑巡行歷阡陌登遊遍林巒山椒洞門啟玲瓏

彩雲間奇石狀眉泉奔鑿羞垂班天光曠虛旬月窈

浮清瀉珠璣瑱乳綴綺繡壁苔斑儼然清華境寸碧

出雲鬟果有笙鶴翁霞斃何爛嫺遺我金簡書兼之

玄玉環環以象太極書以示九還謂最松柏心無為

桃李顏再拜感至教修舉不可攀仙路豈云遠煉修

良匪艱矢心斷金石常恐芳歲殘紅塵落已久丹書

幾時頌願言達精誠排雲扣天闕又知府黃兆隆詩

聞說青元勝鶴陽寰惟直探興偏長洞門深鎖烟霞

萬天洞 在治北青玄寺南洞口橫列一石號為雲

色穴嶺空通日月光翠結丹流真幻境雲根石髓信

仙藏欲尋瑤草忘歸路應有山靈薦禹糧故邑侯中

旬同知馮舜生詩云掀翻千古局民國紀元

年招隱青元洞尋仙不見仙餘不及備錄

牀憑石下視山水如畫

明訓導阮銳萬天洞詩云天

其腸橫開一竅飛巖廓人間別是一穹蒼雕鏤萬

鬼神藏珠璣作砌瑤為堂彷彿玉室與金房不藏

豹藏焉強隱隱四壁吹笙篁依稀鱗甲鱗珠羊玉液

滴滴數斜陽何當數數徒相拜石床便可展雲牀

心復望破天荒昔曾飽學却老方敲打石上為

細研更酌瓶若漿久久頂上生黃光空中騎鶴輕

翔舉手謝人歸茫茫讓朝州牧馮舜生題石

云探幽石室剔透玲瓏別有天地玄妙虛空

山陰洞 在治東南百一十里洞口極狹入數十武

豁然寬大進而復窄是為第一門內有石柱石八石

乳之屬冽泉下滴若漏壺然循而北羊腸逶迤是為

第二門內有漩渦潭其深難測相傳潭底清泉由密

息洞伏流而出再進則黑黯如漆氣候酷熱蝙蝠崖

燕巢居其上土人嘗取土燕寓於此南行十數武劃

然天開石光爛然椽木可上是為第三門門內外奇

石聳立擊之有聲對面一洞中石狀益奇有如人者

有如山者有如琦花銀樹者土人恒於六月六日迎

洞中龍神至龍門山祀之洞本在山之陰又以入其

中者如行山陰道中步步引入入勝故以是名焉

秀臺 在治西覆釜山下傍西龍潭明太守周贊秀

湫底有龍蟠臺上孤亭三月寒谷口針風織細浪堤

邊蟾影寫芳蘭碧流遠溉香抗熟皓色應鏡酒竿寬

有與不須鳴管簫恐驚潛甲起狂瀾

盆臺 在學署讓朝教授熊兆鎰盆臺記甲辰孟冬

日致徒哉曷為乎爾余曰因也曷因乎爾曰敬一亭

有碎碑既無續理礙地及晴而文殘字破存之殊衰

因命匠琢而瘞諸洲裁其完者為盆載維新石壘彌

縫之傑然成盆間近郭有石備三勝買置諸恰稱因

注水蓄鱗倚仗一觀宛在濠上亦足樂矣惟屹立寡

蘊也因作周臺曲欄曩置石采石有餘石因散諸臺

四際而間以推弄臺憂輯嬉損木石因於軒臺間為

門為欄謹出入而嚴限制臺左右因有餘境欄外舊

有竹木因欄意藏本露末參差迥遠効所有於臺之

旁初軒東西垣僅見山顛同臺而峯巒豁壑舉在懷

抱余因得伏誦於軒舒嘯於臺倚欄冥思挹清澗漑

石因以潤卉因以榮余亦因之以適則何莫非因也

客曰有之惜乎為於傳舍噫客何是非傳舍矣客曰然

非傳舍也吾不知孰為傳舍孰為非傳舍矣客曰然

然不及瓜乎為之何晚毋亦徒是之勞而為嗣至者

貽耶噫客何是言寡見營於孺者而據於髦也快意

目前一夕千古矣矣黃且疊疊然食衣萬世吾不尸  
晉區區之乃云貽客爽然興曰今而後知吾塞命之  
矣客退同次所  
問答為益臺記

### 步月臺

在治東筆架山下臺上有石室可容一席

郡舉人趙士圻嘗讀書於此步月殆趙所名

### 說石臺

在螺髻峯南明郡諸生孫桐入讓朝後隱

居所築與下飛白所聽雨榻月則軒均各有詩並序

說石臺序云山房門橫數尺潭潭心有奇石儼如人  
立因築臺於當戶時坐而語焉詩云偶上說石巖儼  
然賓主迭未獲南宮拜却來生公說雲根浪不穩龍  
鬣怒欲飛疑是補天工墮空留一肩君眼為誰青獨  
立門前雲又秋日題說石山房詩衡門深寺立古木  
入雲齊飛瀑掛低日隨風吹下谿聽楓沿鶴步撞石  
向仙樓坐嘯琴窗  
下秋心別是藉

### 飛白所

序云山房北有螺髻峯孤處楚宿青長羣山  
學人雪肩雪慢望而嘉曰既為濟勝友當獲

絕奇山爰為闕廬窗築短牆構屋北向獨對一峯予  
往視成適春雪初晴夕陽半照虛空曳白飛來我所  
不禁心賞之謂二子曰古人愛山必得其性情之近  
今知二子非泛愛者爾詩云誰抹佛頂青螺髻高雲  
許風骨儼儼立介然無取與穴窗清聽生聚石君堪  
語雪中一個晴虛空懸玉杵殘照白俱飛翛然來我

所

聽雨榻

序云山靜晝長偶歌枕向蓮花頂上凌一小

聽地耳

根尋不得主人喝下破瓶頑之句嗟呼天地

一廬古今

一陳浮生如客當問主人詩云騰騰一枕

上蓮花大

如掌熈聲帶雨來夕陽弄奇響風窗似欲

爭松竹互

為契聲非為聽來聽豈因聲往物我遇何

常微兀

生遠想

月則軒

序云月以軒名軒得乎月也軒以月則名月

為則凡風

露之襲我衣星河之燦於天者皆若自此

軒出馬詩

云依巖鑿一門奇形著一太極四面山氣清

有時松雲

黑明月望中來如同取一則披衣風露生

為期獨留

混沌色

嘯雲軒

在學署

至清卷舒

飛停濃纖高下變化有無而一出於無心

則又至奇

故天之氣莫善於雲余性真專嗜憶昔山

間雲際頗

覺怡之亦若希夷宏景之癖比就片楹才

拙學疏肩

承神繫較向之脫然無累者遠矣偶於暑

旁得小軒

前有隙地可蒔花木雖不免鑿戶開徑而

人功不勞

獨惜崇墉鱗次難以故晴而遠矚乃仰而

瞻天白雲

時來披襟獨對宛在萬山夫何地無雲於

茲對之似

愈有情固不禁劃然長嘯而後乃今知雲

之於我或出或處無往弗宜也  
以是軒名嘯雲陳圖列史將於此藏拙肆志焉

瑞花軒 在治西龍溪側以明郡守馬柳泉先生瑞

花賦得名今燬 郡守馬柳泉子郡事既暇延覽鶴川之景

駐龍溪之濱啟蘭堂宴鞋館水帶碧澄山浮青遠雨

霽天晴風和日暖拂檻柳垂映軒花蕊想舞雩之高

風寄遙情於閨苑客酌進日麗此春陽百卉俱芳

有牡丹品格殊常傳根中土植此遊方二花初發請

一臨觴遂飲於花前其一折絳萼舒丹葩傾麗日

明霞媚窈窕之朱顏掩桃李之繁華其一凝素質動

清光皎真白之外施烟丹心之內藏恍若宴金母之

西池泛流霞於瑤觴餘含九蕊映葉扶疏大若玉枕

小類瓊珠柳泉子搜瑟而歌歌曰有美人兮天一涯

佩明月兮服朝霞嬌獨以兮修姱聊優游兮客與恐違

暮兮奈何爾乃轉曲閣登文臺攀碧蘿藉蒼苔閣軒

對局曲水浮杯童子復報三花復開曰始卷而吐漸

折以伸頃刻敷舒花若有神若翼而踈若笑而迎咸

訝其速莫完其因迺借客往視喜愕相顧三已遂開

二復半吐客曰異哉竊聞吹律寒野未麥遂生擊鼓

春宮柳杏忽榮始疑其妄今信其誠惟牡丹之為花

也世稱花王國色天香今茲之放展矣其祥柳泉子

曰有是哉子言過矣夫天地之間理與氣也有感斯

桑持或有其微而涼德之弗類予將以而賜為嘉祥  
 桑麻為上瑞惟省政之多愆而反躬之有愧自予守  
 郡望九重之闕憶萬里之家顧方予之已亂何治  
 之能嘉盡日勤勞終夜憂嗟倏又驚乎改歲聊取  
 於物華洽賓主之懽情霽一時之和氣或有感於茲  
 花也抑亦造物者警其遊盤又奚足以為誇也客作  
 歌曰猗花之榮兮惟公之禎兮昂慰我情兮予和而  
 歌曰候載陽兮花開柳與子兮徘徊予情兮焉極  
 樂無已兮永懷

思補軒 在金滄道署 明副使萬嗣達思補軒即事

鶴自願翔 官閣白晝宜兼隱 人對青編是半仙 葦屋  
 有心存肺石 荒原無警罷 狼烟從人畫 諾縻升斗一

片冰心 欲補天 無陋軒 在府署 明郡守馬卿無陋軒即事詩軒靜

坐久澹忘情 季子能談卜 庖丁解 養生知非幸 未晚從此避 浮名

謫勝園 在縣行政署內 讓朝光緒間知州王寶儀

葦 山陰張繼昭有謫勝園賞牡丹詩云十年培植費  
 精神 掃柳開池色 色新此日牡丹開 恰好看花誰

是種 花人 倚南樓 在治南讓朝舉人毛程遠築有落成詩 云詩

倚南樓 在治南讓朝舉人毛程遠築有落成詩 云詩

人境叢中結一廬日喧車馬自悠舒開窗醉月惟醒  
酒閉戶栽松好著書馬耳山來青片片龍潭雨過清  
疎疎了然地僻由心  
遠何必南樓獨美諧

聽松樓 在治東南龍華山萬松菴中總持禪師所

建 諫朝郡舉人趙士珩聽松樓記菴之東南隅舊有  
也師為人聰明穎悟知書善字象數中自樹一幟手  
寫楞嚴諸經廣施苦海慈航雅愛恬澹不染塵緣一  
歌一作衣鉢晏如也晚年募緣於數千里外所獲微貲不  
敢作衣鉢費即旋歸鳩工庀材且躬親勞力一釘一  
瓦一椽一石俱經焦思歲庚申而樓落成復募金銅  
設聖像及香爐供具惠次第就成晨鐘暮鼓披覽三  
藏禪師可謂三教之功臣也余因思竺天之教以無  
為宗以空為門禪師為人不必借樓傳也亦愈因樓  
傳也若夫谷口春深峯頭月白清風穿林天籟盈耳  
登斯樓也萬斛塵緣俱被松風吹去罔名以為聽松  
云

雲鶴樓 在縣治前舊為安豐樓讓朝光緒間災邑

紳丁泰丁彥丁槐自願獨力捐貲修復落成易今名

郡人趙太史鶴齡雲鶴樓記 士君子之立世也出  
則道治天下處則裨益鄉里事之大小雖殊心之公  
溥則一也我鶴舊有安豐樓創自前代其中一再廢  
興復建於皇朝道光乙未歲居城之中街圍闌四繞



隆然高聳據形勢家言城如印樓如紐體居正位坐  
 聚之所由日繁人文之所由蔚起也光緒歲丁酉  
 厘有犯祝融氏者風伯助威殃及此樓一炬焦土  
 呼方城以內保障一空猶人之去其冠蓋頓失觀瞻  
 而向之隆然者頽然矣州人士謀建復而未果適丁  
 碩甫都轉丁銜三軍門先後歸里養親慨然有重修  
 之志商諸乃兄際昌協戎獨分鶴俸力任其難鳩工  
 庀材尅日經營合抱之木暫紆之石有求必得川流  
 致靈工師盡職神和民歡經始於辛丑冬落成於甲  
 辰春閱四年之久而功告竣計為高五丈五尺為廣  
 五丈為層三上祀玉帝中供三星旁置鐘鼓下跨南  
 北通衢衛衛之東西又劃分三極東中一極為營卡  
 五極賃賈人設肆貨資所入作香火歲修公費舊制  
 上下均木質今則上增高而下砌以石觀園門洞開  
 取其壯而堅也或曰斯樓也舊名安豐也今易雲鶴  
 震下雖易先焚如豕群所謂日中則昃也今易雲鶴  
 取雲中白鶴之意南榜曰文通武達北榜曰物阜民  
 安金碧輝映煥然一新登樓憑望則見樓以下數  
 肩摩熙熙攘攘樓以外雲樹烟村蒼蒼莽莽夏遊  
 來怦然動心五洲互市瀛海沸騰大廈吳材和禮  
 柱伊誰之任廓清皇路此有心中人所為蒿目時  
 慨係之者矣銜三軍門現任廣西提督碩甫果能  
 重建斯樓之意以重建夫勳烈則豈僅神益於一  
 邑已哉縣人李錫桐登雲鶴樓放歌云茫茫萬蹟古  
 梁州澤國烟橫鶴渚秋靡莫而還此既覽千年德  
 注心頭賴木盤蛇楚道峻莊騫雄畧無與並漢德  
 開通博南哀宇內附請七擒縱由遠遂錄永昌渠  
 板趁火埋光天威震悃七擒縱由遠遂錄永昌渠

元帝師迷障霧京觀高築走狐兔  
 王莽從莽揮大渡此邦傳自李唐  
 來十載靈岩功行滿擲珠百八蛟  
 原現百里响隰展芳甸焚猱歌呼  
 恣嗽嘖決芥江濤跨革囊元家神  
 路啟藍縷廼立費序見膠庠田野  
 暨訖文物異百年漸捺揉狂風朱  
 業爭傳傅穎川壺算迎讓沐藍先  
 蕊蕊廟祀凌蒼烟龍潛不飛潛至  
 裏還宮老佛以壽終羸得巷名傳  
 月悠鶴川勝地餘名流江山風物  
 所陌稠趨來滄桑變未止帝子西  
 滅納裁平勞面花門乱又起十八  
 慘淡多悲風義師終蓋復安堵天  
 何國體變民國四十年制留不得  
 天地風雲開霽色迢溯斯樓號安  
 融盤空更見雲裏鶴嶽然高峙城  
 拱衛蜂房鱗比迭興替漾江曲曲  
 贊陀繼祇嗟孤亂縱橫年來捍禦  
 樓一籌策邊氛淨掃還太平我欲  
 飛渡蓬萊巔歸來高枕養  
 頭卧卧聽春城戶誦絃

清虛閣 在治北八里明知府馬卿建題詩曰林端

高閣俯清潭軒外西橫雪石巖雲白山青天字濶斜

陽一半綠波涵顧其制頗狹後任吳堂命土百戶母

昂等特新之有記

郡守吳堂清虛閣記事已秋吳子

漆盡水清霧收山深雲容浹而夷與霧氣涼而剝落  
 泰林鋪鋪環之黃雲草芥布芳洲之釵錯金柄擅司  
 暑權頓卻舉杯相屬于馬是樂客有似枚生者規中  
 規服酌彼兒醜引滿再醺而言曰天地設位乾坤以  
 寧川融山結亘古是存義皇演畫禹翼範疇不有記  
 載後世美求惟尋鶴川古屬夷方皇圖肇啟乃理乃  
 獲文教誕敷南國之先選良佐賢治具畢張然則一  
 方文事繫之有司命詞比事非守土者之責其誰哉  
 謹按閣跨白龍祠由祠而上數十里最高一峯名金  
 山頂下為白雲山者若鸞鳳閣臨馬山脈發源西域  
 遠莫測山之麓麓百泉貫注為潭故謂之百龍潭焉  
 有閣阜陬弗稱乃命土百戶毋昂昂王濬特新之於出  
 眾願不費公帑閣面東沒入潭三丈許高約過半相  
 補周匝富樞接映左洲右石聲飛技立石實歸然其  
 前瞻漾弓委蛇而環合攬羣綵之續紛挹眾秀其蘇  
 杏州清秋之佳致趁四時而快廓已而倒影沉碧斜  
 光浹潤風勁暝生山空木落猿躡樹而哀鳴鶴翔空  
 而聲震冰輪半側枝兔影躡扣絃下釣錦鱗出沒新  
 則閣中一時朝夕之大觀也諸君然歎  
 否賦眾皆唯唯遂命酒各教龍以為記  
 迎旭閣 在金滄道署  
 明副使萬嗣達迎旭閣印事  
 詩松筠蕭蕭轉青蒼鈴閣嶂  
 嶽攬曙光廣漠神皋穿越萬選荒天險屬瀾滄龍山  
 潤發三關兩雪嶽寒催八月霜退食暨儒縻歲月觀  
 風應自  
 愧臺印

水閣 在治東南百餘里之朶美即鍾元廟日水閣

從俗稱也內有唾綠亭讓朝邑明經羊文俊築廟故

踞山巔而是亭則翼然俯臨江面晉甯李中丞因培

題有金波宛在額每當春江水暖粼粼波皺深綠如

油憑欄俯瞰有綠淨不可唾意乾嘉諸老率皆臨眺

非時故其所題雖亦多流連光景而此意尚少發揮

也近則亭已傾頽遊覽亦無復如昔時之盛矣詩如永北

劉方伯懋題贈云峴山一版衍江濱儒雅風流世澤

新名重膠庠金鷺驚聲蜚杏苑玉麒麟獲庭綠映韶

光美蘭室香浮氣味清為愛鵬程霄漢近高翔早共

上林春慥子舉人裔彥題贈云高峯聳峙掃雲端峻

宇巍峩鎮碧滿千嶂迂迴看拱翠一江旋繞詠觀瀾

輝凝武西祥光燦瑞接文昌秀色盤尚憶昔年追侍

日登臨詩句鎮詞壇邑蔣太史祖培題贈云泉濕土

沃稻梁肥綠泛江波雪水歸大嶂蔗漿涼氣入細翻

灘石軟沙飛虛空傑閣孤山寺凝渦迴流道士磯壯

哀乾坤羨許五雲繚繞尚依稀太和進士第題

贈云金江圖畫自天開江閣登臨亦壯哉地擁樓臺

千疊結山圓滄浪一龍回奎光自向明河麗文萃類

遼臺翠嶽雲物從今饒勝地懸知應毓濟川才邑舉

人蔣祖壽題贈云蓬萊官閣傲奇觀飛閣流丹道日

端上曲雲飄翻麗水九天霞蔚映金灘東西人物聯  
 珠合大小文章金壁爛他日乘槎臨倒景星辰收拾  
 到欄干邑舉人張悅題贈首章云飛來殿閣臨江洲  
 圖畫天然似朝川穆穆金波淘夜月蒼蒼翠岫麓朝  
 煙登斯頓覺心神曠陟彼還將俗累捐應見地靈多  
 毓秀人文蔚起接瀛仙次章云玉帶滌泗繞殿前樓  
 台倒影入潭淵烏棲波底魚遊樹月映江心水在天  
 隔岸林壑開疊嶂當原村舍隱嵐烟悅神縱日登臨  
 下收盡風光綠一川邑舉人趙鴻漸題贈云大塊鍾  
 靈結構奇層巒聳翠接江省一團玉帶環山繞千嶂  
 錦屏對面垂夕照堪圖摩詰畫晴嵐卻憶少陵詩流  
 連悵望情何限到得歸帆日已遲滄陽黃進士思錫  
 擬遊亭因戶鍵不得入僅憇廟門留題寄贈亭主云  
 鍾元廟貌俯潺湲陟彼恍臨銀漢邊幾片閑雲穿石  
 出數椽高閣傍巖懸斜拖江練閑詩軸遠泛魚磯點  
 畫然卻恨無緣窺美富山門靜鎖一房烟羊氏皆同  
 大理石刊嵌壁間可想見一時聲氣應求之盛入民  
 國山陰張繼昭登朵美水閣讀遺碑贈主人羊五云  
 崇樓傑閣一層層俯照江心碧浪澄聞昔君家親創  
 建每來佳士必同登流連形勢全收攬飄忽兵燹感  
 廢興投讀遺碑休淚  
 墜克修媿美有雲初

見南閣 在治南二十里金鎧解官歸田後築有自

為前後記閣作宮樓式樓上自承塵而屏壁門闌純  
 油綠色搗十扇悉襯以綠銅紗人坐其中如泛春水

船於波光蕩漾間鬚眉皆綠其西南隅馬耳諸峯羅  
 列聳峙望之林壑幽邃黝然而深象眠山則橫亘於  
 南每憑欄遠觀覺豁眼界而滌胸襟實擅一方之勝  
 楮懸見南閣三字額左左配以宮漏夜深紅燭短檠  
 臺天曉綠紗明聯均集董香光書又聯望西南諸峯  
 蔚然竅泉香冽巖樹陰繁得意鳥呼林壑美行朝暮  
 四時宴此肴菽雜陳饒籌交錯歸廬人與眾賓歡係  
 集蘇長公錄醉翁亭記書樓下為愛吾廬額題林下  
 春多聯云彭澤方歸來或引壺觴或眄庭柯或倚南  
 窗亦有時夢作蒙莊栩栩然遽遽然不自知為蝶也  
 周也香山既退老廼錄家事廼會經費廼去長物獨  
 無奈情非聖達駱爾素素爾未能忘彼駱兮虞兮  
 又聯定國成將功餘年屬望迎歸馬安民用儒術叢  
 日為治令買牛仍集董書跋云予自出樞曹三領郡

事皆自慙迂疏寡效今老矣不能復作用世想惟日  
 冀太平無事優游林下以樂餘年丁巳秋與客同登  
 斯樓憑欄遠觀忽生秋感時滇執政方反抗非法政  
 府有事於蜀故亟盼早日竣事銷兵也民國六年八  
 月中浣安拙園主人題蓋金鎧既家居諸名流與往  
 還輒賓接於閣中故見南閣之名遠近皆知亦頗有  
 以未得一登為恨者田舍翁得此已為過分故直視

為康節先生之安樂窩焉

金鎧見南閣自記  
 明沔州陳三叔進士之父副使

君罷官家居以蔣花自娛樂於花園中為小閣而名  
 之曰見南蓋取陶靖節悠然見南山語歸震川先生  
 因玉叔請嘗為之記以謂沔去江南諸峯絕遠實無  
 所見姑以寄其悠然之意而已竊謂悠然者意所偶  
 寄山之有無且不論更何南與北之可言予家村居  
 象岷山橫亘於南北則笋列五老文筆覆奎堆數語  
 峯又其北則平臨麗江雪山每當秋稼已登雲淨雪  
 明遙望如天際玉屏瑩潔無比往者歲辛亥予曾為  
 閣於聽事之北將憑之以望遠即所謂北閣樓也未  
 及落成會予以服闋當赴補去特留語坊者命穴後  
 山牆為牖二而以磚甃喜字形並有滿五年投効來  
 歸登樓看山之約已而抵川未久鐵路風潮起隨值

國體改易遂於次年正月仍挈家歸復以飢驅走騰  
永間柶柶兩載癸丑冬解官歸里決計不復再出於  
是乃始得登所謂北閣樓者樓南面牆樓以北迤邐  
平原眼界頗寬而磚厚牖深如窺豹管中令人閱絕  
屢議改作慮費不貲且牽於形家言因循弗果今年  
春將有他建築事議以附卜之吉乃始度資募工購  
料重為是樓仍命即牆為窗而欄以鐵榰榘疏寸有奇  
於日毫無障礙憑欄一覽南山蒼蔚恁在日前予乃  
躍而起曰致足樂哉夫沔州之閣雖以見南名然譬  
則靖節無絃之琴寄意而已予茲閣斯真見南者是  
別其即移沔州閣名以名吾閣並即謂震川之記為  
予是閣作可也適同里趙子驥參軍來過予導與登  
覽並為具道名閣之由子驥上六書家藏名人碑版  
甚富一日相晤手出雙鈎董香光書閣名三字見餉  
予觀其筆致韶秀生動幾有突過右軍之處不覺大  
喜過望查明世文苑最著者歸以文章董以書法得  
其一已足寶貴今合二妙以名吾閣其為寶貴何可  
言固急台梓人摹刻懸之閣榻吾閣雖不足傳庶或  
得藉兩名入翰墨緣而因與以俱傳也夫時在丙辰  
冬十月安拙園主人識於留餘堂之南角房山陰張  
賡六維昭枉顧見南閣歸後寄題四首其一東籬備  
採菊仰見南山高何如小閣登平視明纖毫几葉供  
黃花淋漓墨瀟澆樞題具四美被郁異香飄即茲已  
心醉况飲公瑾醪野人深山歸思之常鬱陶其二昔  
曾忝蓮幕今復訪栗里中通德門兀然捧天起閣  
閣肅賓入船坐綠波水陳榻語深夜鐙花紅結蕊空  
桑三宿戀况又重陽矣願言附清游難足白雲裡自  
注君曾有明春遊難足之約其三



千秋考學富氣自雄義精理自擅詎因北山文著述  
產乃鍊偶賦南山詩光怪目為眩宋明景企人體善  
陰陽變緬彼方姚曹雲鶴此一鱗其四君有田園詩  
我無倦石儲無笛何從吹無聘何報書髦及將就木  
禮法游益疏茅屋傲陰崖力不任荷鋤補錫與磨鏡  
射御何執乎持以曾之君君謂宜何如劍川石禪老  
人趙蕃寄題云見南高閣峙崢嶸楚相望共此名  
遊吳震川題記意悠然彭澤賦詩情絃歌粗已資三  
後納帙豪於擁百城蒼蔚朝鄴那可說無懷寄傲足  
平生金鏤卧閣八年有終焉之志辛酉冬應辟後出  
時有憶閣之作友人之題贈者亦多佳製并並摘錄  
其最者昆明陳因史榮昌題贈七古一章云楊君當  
世之萬才為才所役奈何哉解冠投檄不得遂何日  
長歌歸去來自恨身為塵網挂祇今去共牧樵話安  
排小閣傍舊居望中青翠如園畫直北雪山高倚天  
左右請峯峯斷復連更築一椽而南圓洲明意趣同  
然玉叔昔年臨汚水見南閣成寓意耳一序猶傳震  
川集楊君得之深自喜趙子更募元宰書淋漓大筆  
為楊鍊古人文字為我設兩美亦足光遠廬從此卧  
遊得幽趣或醉或醒無朝暮人間清福屬退公富貴  
浮雲何足慕同事劍川趙式銘發甫亦題贈云杜陵  
辛苦營草堂成避亂塵沙黃東坡雪堂泥猶溼可  
憐流落魚鼈鄉古來勞人劍如如此朝為行雲暮流水  
獨有平生棲息地路人間訊居人指第老新築見南  
閣盡日憑欄看不足一朝身復落塵網春去秋來山  
自綠此走心堅而如鐵一生不識世途熱渴來萬事  
不挂眼惟省鄉心託明月金華山接玉屏山何時倚  
閣看雲還遊人若訪詩翁宅只在南山蒼翠間其他

孫尊卷嗣煌劉伯舉潤疇王鐵珊燦李鳳周錫桐諸  
 作均斐然可觀惜集隘不克盡登又或歸途被匪劫  
 散失無從追憶矣金陵見南閣後記予既復為閣  
 於廳事之南明沔州陳氏閣之所謂見南者於吾閣  
 清事尤合遂即奪以名焉於是張於壁者有歸震川  
 太僕之文額於相者有董元宰高書之字左圖右史  
 古香芬郁而予以一退公坐卧其間時而嘯歌時而  
 憑眺誠哉南面王無以易予其殆有終焉之思矣歲  
 辛酉省政府探虛譽忽報以秘書見徵予故無宦情  
 願鶴書載馳敦敦就道有友揖而進曰公卿不下士  
 久矣今此舉殆如鳳毛麟角宜就徵以成當軸之美  
 予感焉家人復勸之固遂復扁閣出抵省未久輒復  
 大悔以故憶閣之作時時形諸吟咏蓋計去閣凡七  
 百二十日而閣之悠然意境未嘗一日不在予心目  
 間同事友劍川趙星海式銘贈句有云此老心堅面  
 如鐵一生不識世途熱渴來萬事不挂眼惟有鄉心  
 託明月蓋道其實也昆明陳小圃先生亦賜題云古  
 人文字為我設兩美亦足光遠廬又云人間清福屬  
 退公富貴浮雲何足慕言閣之難并美具而住福地  
 者之為福人也予用是頗自豪謂苟例自我開前此  
 殆未有偶一日讀姚姬傳氏快雨堂記載尚卿作堂  
 於所居之北將為之一日得尚書書快雨堂舊稿  
 喜甚乃懸之堂內而遺得喪忘寒暑窮晝夜為書自  
 娛於其間予乃始爽然知天下事固有不可約而同者  
 大抵吾人讀書尚論古人并及其世心所嚮往或以  
 名物或以自名如司馬相如之慕蘭相如白蘇忠黃  
 之而東坡皆是也與籍所載此類為夥如必謂為奪  
 之而私之為例自我開前此未有陋已抑嘗比而奪

論之董書家也歸與姚古文家也高卿友姚而尚友  
 董觀其得董書快而堂構懸之堂內而遺得長忘寒  
 暑窮晝夜為書自娛其中嗜學如斯之勤其書之工  
 宜矣而姚之為其墓誌銘言其自少即以文章書法  
 稱於天下然則是殆兼董姚之長而擅之予不能書  
 學為文章又未得其蹟後雖得董書歸記視禹卿之  
 得董書姚記則有愧矣雖然予之喜得董書歸記非  
 喜其可資以學也如陳先生言喜其足為蓬廬光而  
 已星海知我者其言萬事不挂眼寡獨在世途之熱  
 即並身後文字之名亦無之自不必與禹卿並論蓋  
 見南閣者河州陳氏之閣名也陳副使罷官家居以  
 蔣花自娛樂與予情事同儀陶之心亦同而得兩名  
 人翰墨於斗室中仰觀董字俯讀歸文益之以左史  
 右圖寶足自娛夫是以喜顧副使家居後是否終老  
 於其閣不可知而予以不能自持卧閣八年復落塵  
 網致使猿鶴胥怨松菊幾荒讀北山之移文不且對  
 蘇閣而報顏乎作  
 為後記志愧也

深柳書堂 讓朝郡人趙繼善讀書所堂捐懸深柳

書堂額 跋云唐人有句云深柳讀書堂丁丑春余書

稱柳棚地也當春夏之交扶疎統屋蒼翠盈軒或宿  
 雨初霽柳陰竹徑間新翠如滴擁几南窗展秦漢文  
 一卷披吟於綠陰之下覺古藻紛紛披暢茂條達之致  
 與庭柯相輝映頓覺心花怒發顧而樂之歎五柳先  
 生讀山海經處高未得此佳趣也青蓮所謂大塊文  
 章此其是矣唐人之詩其先得我心也夫遂以名齋

留餘堂

即故居中堂築自先中議公

金錄自記留

師今大司寇鳩樵貴公書贈家中憲公堂額也堂何  
 為以留餘名取有餘不盡之義也大凡物之無所  
 者有盡有所餘者無盡日中則昃月滿則虧水盈則  
 溢中滿盈無餘之謂也使日常留餘則弗日而長月  
 則皆其不能留餘之所致也不寔惟是予近蓋益得  
 留餘之說馬堂之東有牡丹一本予丁亥家居授徒  
 時所手植也去歲春予以假歸甫月餘花已含蕊座  
 客或以謂余曰茲花之開訖今四稔蓋自君計借赴  
 春官試老人性弗與花習園常高馬映階綠草長與  
 人齊花塢沒蓬蒿間無過問者庚寅夏得君泥金報  
 賀客畚來客有登樓遠觀者見東綠中灼爛如錦因  
 撥蓬蒿入視則粟粟者皆盛開之牡丹也客皆以為  
 瑞徵自後每屆其時則開顧歲或合葩七而開六馬  
 或合葩四而開三馬今且含葩五意其可開四乎予  
 曰盍驗之已而開者四而果有一之不開客復過而  
 惑焉予曰嘻此其所以為留餘堂之牡丹也夫使盡  
 所舍之葩而開開之時非不爛然矣顧精華全洩盛  
 極則復繼為難譬之唐花紅僅一時復安得如是之  
 歲有花之可賞乎今賡續而開者若干年而及吾之  
 歸猶得與子持尊酒澆於其前不可謂非留餘之所  
 致也然則吾師所以名葺堂之義其效亦大可觀矣  
 客曰然哉客退因書

池亭

在金滄道署中

副使萬嗣達池亭兩坐詩秋  
雨濕亭莎方池藻荇多雲容

紛几席霜氣下藤蘿書就尋青鳥籠  
開放白鷺應知奇字少無復酒人過

問山草亭 明末郡人趙以相解官後築讓朝咸堂

間燬於兵火其遺趾即今其裔孫趙夢雲都護第亭

側有二湖石坐以小塔南曰南山北曰北山每月文

花朝輒集賓客觴詠於此 其南山小意云危橋凌石

晚珠鐘月滿山北山幽禪云個外通靈鷲非關面壁

年夕陽入影動斜映塔初圓其草亭閣况三首荒石

或方徑臨風坐小樓書殘偏引睡野曠痛吹簫掃地

閣樽始掀窗漏月遙問誰陪傲吏臯比數歸樵小梅

才數點瘦竹僅三竿退守東山老遠分白雪寒獨來

嫌地少客至覺園寬與物原如此何憂和者難挂跡

烟村裏猶如出遠郊雁飛江浦潤棋望樹陰交卷捲

鴉青白篴占鶴和女龍華鐘未曉禪意對誰敲元宵

次日遊諸老先生席間拈韻云昨為家家得樂先珥

貂遲訝客三千連宵燈影惟懸月隔夜杯痕再洗灑

玉漏何妨傾薄魯金吾那管禁幽燕問誰詩社催歌

舞長者花間即馬關又是日於問山亭諸老投壺晚

譙仍用前韻云聚叟春亭讓後先開花桃信擬三千

投壺大笑狂於颺罰酒連吞急似濺海犀添籌來浴

社天山發箭度支燕銅喉那得寬如斗擲地金聲任

鼓聞又早秋偶興云無事臨流水花溪一樣平秋隨

蒼葉破地觸土蟹鳴日落橋無影風

來樹有聲要知安穩處憂樂不關情

逢源亭 在治北香溪潭潭廣可十餘畝發源青山

麓源有二道一從石隙中出一從石洞中出邑拔貢

寸增高醴資為亭於二水之間取左右逢源意名之

曰逢源亭 邑人寸增高逢源亭記天下有待闢之景

愈新而要非強難關之境而闢之也待闢者每早有

其境惜碎作與事難多得其人斯勝境遂湮沒弗彰

馬城北青山之麓巖泉湧出清冽澄泓汪洋秀澈蒼

松古柏圍繞左右復有青玄石洞曲徑通幽佳木陰

繁山水交映豈非天生勝境而為一方之偉觀者歟

况其源泉混混四時不竭下游村落田疇悉資其灌

溉是宜崇奉靈異以展馨香之思非徒闢勝境以資

遊玩而已已丑春余遊二三友人集此飲次告以欲

闢此境意僉曰宜哉遂相與鳩工庀材相奪地勢以

兩泉夾會間稍有陵阜因增拓之而達亭於其上取

雙桂亭 在太玄坊內丁氏敦和堂建

右名勝凡三十

左為遊覽之地一細點綴遂使溪山勝境別開生面  
而遙與青玄廟剝映帶交輝余維眾擎之易舉也不  
可不記因書其事於右後之人與我同志嗣而葺之  
山水之光亦余之所希冀也夫

元本路總管祀鄉賢名宦高惠直墓 在城西坪

北勝州判官趙護墓 在峯頂山陽本府教授田節

為撰墓誌銘

天水郡趙氏諱護乃鶴慶布變趙連之孫趙堅之二子也以至正四年甲申生

氣質純厚有倜儻之才幼學書始於有元至正二十八年夏蒙雲南省啟奉梁王令旨除授北勝州判官之職考滿至正三十年攝鶴慶路軍民總管知事善於處變處事有方本府土官總管高侯器之其為人也財非義不取人非信不交敬信佛乘於宣光五年春捐已學貲相本府東南陝龍華峯北創一精舍塑解冤結菩薩及觀音地藏二大士列其左右金碧交輝燦然可觀迨今四方雲游衲子之所棲來往不絕不幸於洪武二十三年庚午三月十三日在家因病而終春秋四十有七壽葬於峯頂山之陽鶴郡人送喪者莫不傷心茶毘既畢附於先塋卜地而安之妻李氏生男三長曰春次曰鏡季曰俊女三人長曰好嫁楊氏次曰香嫁高氏季曰在嫁於右族永樂元年癸未春三月長子春謁予學庠而言曰我先君歿時年幼無知父有令名美績請以志之予嘉其請乃曰君子疾歿世而名不稱焉今觀子之言以繼古人之志可謂孝矣遂為之銘曰嗟嗟趙氏瓜瓞其綿令緒先光厥先孜孜為善崇信金仙瓶修精舍寶相儼然誰期壽考早不黃泉有男繼志悼善無存勒之珉石億萬斯年

明建文從亡二臣墓 在城西南龍門舍蘭若寺下

賢應能葬於此 按二忠墓一在浪穹未詳孰是

陝西按察使朱佩墓 在西龍潭上大理李元陽為

撰墓誌 公諱佩字鳴朝別號鶴溪少讀書龍華山中

祖光遠洪武間以大考樞密宣使從戎大理移戍鶴

川遂家馬遠生昌昌生富富娶錢氏實生公昆弟六

人公行五替齡時即解聲偶為大人所奇鄉曲以奇

童目之十六補郡學弟子員先是父母所聘百戶揚

斌女至至病喘欲改聘公不肯曰不猶愈於替乎卒

娶之鄉里益奇馬領庚午鄉薦辛巳登揚維聰榜三

甲進士第一人詔南京大理評事以仲冤理枉為已

任多所平反大廷尉漢江王公御史大夫昆山人周公

尚書黃山鄒公咸稱其有古良吏風且薦譽不寘再

擢寺正尋擢僉憲貴州貴地瘠民夷士卒滋於逸選

驛傳置於供億公曰所貴乎使民者勞使佚饑使飽

不爾是萌亂也以白之中丞中丞壯其計遂付託之

自是諸司有請咸以咨公公力誠羣議不顧利害大

要以責逋負攝逸卒特催科均饋餉四者為先務布

令三月而夷獠來士卒裕行旅稱便戊子川湖飢民

糧遣還民得不擾芒部亂議以公督兵公曰莫庸兵

乃草檄陳說利害不費一戈而克黨縛元惡以獻土

舍楊章有功蒙賞章德公以百金為饋公正色却之

且諭之曰爾能不替厥功吾受爾金多矣章俛愧而



去擢副楚集長沙有大姓怙惡不悛郡縣莫制公計  
 獲之置之法郡民稱快公至荆州有告黑氣自北來  
 者公起視之謂其人曰北方黑者水氣也當有水患  
 下令增隄防既而大水果平蹠民間田廬一無所壞  
 荆人神之二年擢泰貴州政貴民咸喜老少出道旁  
 伺顏色漢洞稱神君再至未幾以堪繁簡調廣東廣  
 之嶺西有羅旁綠水雲爐大桂等鄉徭寇出沒公設  
 墩堙於要害募勇士守之且分布威德有投降者令  
 襟閭閻以居終公任計向化者六百人有奇已未全  
 粵水民大饑公發倉廩民得不徙會嶺南盜起眾議  
 撫之使公獨曰撫不便亂狀未露則當撫亂形已具  
 則當討撫巡是公言任公公行賊屯度賊取水之所  
 患以精兵守之賊不能近乃飲於海三旬賊苦海鹹  
 告降戮其首惡餘黨平交南莫登庸封奏兼以啟公  
 公曰豈給我耶密察之果獲其奸細杜文庄者盡譯  
 得逆狀以聞督府督府自是得交南情狀計有所出  
 卒之平定奏凱人謂公有發縱之勞馬公初得杜文  
 庄等欽州急於詰問時初秋壽熱遂病會擢陝西臬  
 長公曰可以去矣與其求升斗之祿以喪吾軀孰若  
 歸吾廬以從吾所好乎遂上書乞休時督府錢公巡  
 按余公并南懃督府王公皆下檄勉留不可奏請下  
 部吏部尚書許公復云本官入世以來政行得篤令  
 稱痼疾必非獲已撫按遣官護之還鄉以別叔意已  
 亥至家不入城府日與親友遊讌恬然有遺世之意  
 公為人愷悌和厚而確乎不拔家貧悉以與昆弟僅  
 以官俸足妻孥之育不治第宅蕭然如儒生及周人  
 之急服人之乏曾無吝色鄉里義之平生詩文不習  
 草旋作旋火今惟在廣日與后菴李公澆南劉公七

高有定輩唱和名端州集其孤選收輯遺稿百不存  
一合作一快名鶴溪稿云公生於成化癸卯十二月  
二十八日卒之十一月曆於西山原借  
孺人楊氏張氏子二日選曰遂女三  
另有墓表傳

茶陵知州昆明施昱撰所序事實大致與墓誌同不

復載

兵部郎中陸經墓 在城西萬桃山

巡撫貴州都御史彭富墓 在城西坪

貴州學道吳堯弼墓 在城西文峯寺後

慶府左長史孝子廉吏祀鄉賢趙德宏墓 在象眠

山麓大理李元陽為撰墓碑 公諱德宏字有容南溪

人有趙奪帥者於公為始祖後有諱堅者生連連生  
護護為鶴慶路知事陞北勝州判官酷好清淨辭職  
不赴作菴以居遂為鶴慶人護生春春生應應生敏  
敏生遠贈奉直大夫配李氏封太宜人公公之少  
也家甚貧所居隘陋公能勤儉增拓居室以安二親  
又除江高按察知事奉差入京病痢公日嘗糞初覺  
糞苦既而甜知病且不起痛不自禁及父卒假貨營  
殮借傭人肩輿以歸跋涉萬里無一日輟傭人見其  
書生任勞為之感動既歸廬墓三年朔望日回家有  
母省畢即歸墓所墓隣曠夷豺虎交跡寂無人到忘

有一白犬來守其廬郡守汪公標聞而異之躬至墓  
 所慰勞餽贈有加焉乙亥服闋丙子領鄉薦雲南巡  
 按御史唐公龍濂知其孝自慶得人因以其孝行上  
 聞榜其居曰孝子趙氏之門謁選授順慶府判府有  
 疑獄三案皆死刑久不能決公一訊而決洗其冤者  
 十餘家會歲歉賑濟公設為方畧全活甚眾掩瘞暴  
 密無聞遠通臺省獎勸之使相屬於道三年遷潼州  
 知州公初至惟以脩荒為志凡贖銀自一錢以上皆  
 令買粟貯倉居二年得粟萬八千石明年蜀又大饑  
 死相枕藉潼川以發倉得免先是荒歉之後民半轉  
 徙公至能勞來安集復業者日益眾城圯數十年莫  
 能築公謂倉廩雖充苟無城郭民誰與守遂力主其  
 議躬率春鉶糾情獎勤暮月而竣事州當衝要逃走  
 馬驛官損其名民喪其業公於州前作廐六十楹飛  
 馬而飼之以次輪役匪直草積糗緩民力即馬畜皆  
 得調適之節民大稱便州之三溪口富弁並諸處盜  
 賊依山阻險拒捕殺人其來已久公至立保甲設社  
 學十餘所親至其地諭善導不旬日諸盜自縛渠  
 魁而來敬聽約束旬是境內晏然嘉靖十二年蜀漢  
 二省土夷爭界巡按以公素行為鄉評所推遂賜公  
 戰治有土舍高鵬者以白金八百兩為餽公力拒之  
 土人愧服遂各止所爭界兩省並如獎薦由是聲實  
 益隆矣方昭點河南僉事會慶府缺長史今上方重  
 宗藩而慶府又夙膺春注銓司慎輔導之任因以公  
 為左長史公至以本藩舊事奏聞敕放藩宗寗家者  
 六十人公為長史六年七休之疏凡七上竟不得請  
 庚子丁內艱慶世子親賜弔慰請藩宗戀戀不忍別  
 地按御史包公節白公賁再旌其門曰孝康公為人

樂易正立與物無忤官轍所至僚吏士民無不傾心  
初在潼州還戡事界事時百姓恐其長往請撫保督  
相率二百餘人扶老携幼不遠千里若孺子之念慈  
母何其得民之深也詩云有斐君子民之不可設兮  
斯人之謂歟公以成化庚子十一月二十一日生以  
嘉靖壬寅年十月二十日卒以明年十二月二十日  
莫於象  
眠山

世襲千戶祀鄉賢高賜墓 在城西坪

父子解元進士梁州彥梁甲壯墓 在仰止山麓

吏部稽勳司郎中李大受墓 在觀音山四十里坡

直隸良鄉縣知縣祀鄉賢樊巍墓 在朝霞山郡人

龐大治為撰墓表

松密諱巍字民望其先世諱玉山者河南懷慶孟縣人也玉山成鶴

生珏珏生能能生義義生欽欽生尚志為庠生篤學  
純訥嗜義輕財應歲薦不樂仕進儼然自足考終於  
林下有子二長曰懋次即先生也當誓終時已自備  
特靜敏典雅及長就學卓然自期待弗事口耳深造  
必得至忘寢食既列鄉校士皆推讓未幾登雲貴鄉  
薦其後因赴進士科不第遂遊國學縱觀遠覽若有  
所得浩然而返乃結廬於朝霞山之麓慕邵堯夫風  
潛心薛文清公讀書錄旁搜博考研究古今吟弄風  
月胸中無一芥塵埃四方學者悉宗之凡遇婚喪率  
敦行家禮戒人慎於辭受取與非公事未嘗輕造官

府故郡守周公甚重之薦於少史包公旌題以冰蘖  
 之操繼而宋劉林陳諸公憲學蔡公吳公咸嘉禮焉  
 先生此時存心著述仕進之念愈絕矣迨貳守傅公  
 署鶴賢之曰斯人也何為獨善也指揮胡公賢之曰  
 斯時也何不出而有為也資其裝促之至三辟弗能  
 得乃始北上及考選吏部授以良鄉縣尹蓋重喉舌  
 之任也果不以邑疲事繁自憚蚤與晏息勤勤奉職  
 省刑薄斂慈愛油生百姓稱曰誠我父母也聲達於  
 都禮官簡入春闈受卷後因疾乞休弗獲允改於夔  
 州教授然以心夙喜造士遂之任倡明理學論難考  
 業終日不倦以身率物以古道範俗士民仰之曰誠  
 我山斗也大府張公嘉其有史才也命修夔志接之  
 終日議論弗置以僚友禮之及卒於夔士民莫不悲  
 傷之遂列祀於名宦祠焉然卒也未嘗病榻一旦與  
 以拍訣之曰吾欲去世矣端坐靜室而逝所著有樓  
 震卷易書文集夫其文章道德若此者果可朽歟其  
 社當祀者果不在斯人歟先生生於正德庚午年十  
 二月丙辰卒於嘉靖庚申年八月己酉娶王氏生二  
 子俱孺養先子以柏為後二女玄姐適梁以楠化姐  
 尚幼將卜葬其舅氏生員王建中門人吳仲等乃親  
 矣者謀諸樊族曰先生初志已盟泉石夢寐不忘霞  
 山雖宦於外亦嘗遺書戒家人俾勿壞故廬宜增葺  
 以為吾他日退養所今盍從其志而卜兆於斯歟族  
 皆曰善遂請予銘之予亦聆其教者曷敢辭銘曰嗚  
 呼先生知命君子雖艱以嗣弗悲樂天也雖計於夔  
 弗悼子美也為臺上九高尚之志也為蹇六二匪躬  
 之忠也生寄於斯旭之作也卒歸於斯夜之斲也  
 匪瞑匪闇萬古常覺也瞻彼震山孰不仰止也

四川成都府知府祀鄉賢楊應宿墓 在象眠山

四川建昌兵巡糧儲督學道李克振墓 在城南樹

金岡麓

江西按察司知事趙遠墓 在象眠山麓俗呼為天

葬墳

山東道監察御史張宗載墓 在仰止山麓

四川榮昌知縣祀鄉賢閔宗聖墓 在城西漆樹坡

郡人查偉為撰墓誌銘 公名宗聖字心過先世為昆

陵武邑人公世祖諱誌者從

戊雲南大理遂於鶴慶家馬大父思朝業儒弗過以

壽官終父憲恩封文林郎母母氏贈太孺人生三子

長即公也公生幼不好弄亦無謔言顧獨敏茂下帷

誦讀足武軍出門戶甫十四歲而遊泮愈益步總履

墨躄猶若處子然習學使數行激獎蓋謂實有其文

云事二親以孝謹稱有共命而無銜命士午舉於鄉

丙戌母太孺人寢疾危甚醫禱罔效則曰吾身非屬

毛雖裏者耶令計無所出庶幾遺體之一嚮以冀吾

親萬一之瘳乎乃剗左臂為糜以進太孺人食既即

稍間尋愈踰年復病且革公日夜侍湯藥侍卧起衣

不解帶連大漸就踊幾危水漿不入口者三日喪葬

一如禮郡大夫桑公重其孝延為館師自課課徒外

他無所聞郡大夫益禮重為弟仲若李友愛獨擊其  
 族叔有名憲華者壯而無室又秀奇者以貧資生無  
 策自鬻其身公慨然曰古人義先博睦吾獨奈何以  
 力可勉為而今吾族人之博悻此極也於是擇配以  
 婚憲華捐貲以贖秀哥自是族人無失所者諸生有  
 與公同筆硯者如張如梁如莫公或分廩以賑其墮  
 乏或捐金以助其修儀或讓田而聽其多取卓然叔  
 牙高義世無胡古今人不相及豈篤論哉屢上春官  
 不第士辰就選成陽學博至則飭科條端身範同官  
 及學弟子或瑣不克舉或貧不克食皆出俸緡左右  
 之又明年應聘充中州同考官取士若干人皆人望  
 歷四禩部使者每疏為文學公輒褒然首舉丙申春  
 陟榮昌令昌故巖邑號難理公一取之誠信喚咻  
 其惠苦別更其獎靈民感戴若神若父母然值歲大  
 侵民報食則設法拯拯之疫痛流行則設藥局療治  
 之所全活殆不啻千數至大工掄材昌邑取數不少  
 公躬往冷積貴筑採運如數披荆棘踰嶽峯夜行野  
 宿雖乘載刊木之勞不瘁於此矣適播首內訌督府  
 大臣將王師討之軍興三十萬眾宿飽之需於餉者  
 麗不億矣公躬轉輸之役踰更寒燠拮据卒瘞靡所  
 不至越三年上最得封父如其官既執訊奏凱幕府  
 論報功次方首公發縱之伐然公終以濤暑深入瘴  
 地冒犯霧毒回署未幾遂不起矣公令邑適當此兩  
 大役故每躬自督辦賢勞王事在署之日無多願榮  
 民德公甚深尸而祝之一如習於其政教之日甚久  
 者蓋其惠心之字於民為有素矣公生於嘉靖甲寅  
 年四月三日卒於萬曆庚子年六月二十九日享春  
 秋四十有七配贈孺人黃氏媿媿勛善理內政公

讀書得壹意敬業孺人雖鳴雜佩之助居多先公八年卒生子男五人郊娶百戶侯母繼賢女邵郡請娶請生張其剛文部娶余弟雋女祁徽貢生阮銳女紹徵諸生李任明女女二人長則不任子維模納幣為與請兄弟皆黃孺人出其繼娶封孺人郝氏所出則幼女也尚未字孫男一松年部出孫女三郊出者一邵出者二以辛丑年二月二十二日歸英公於西麓漆樹坡祖兆令歲閏月九日遷黃孺人柩焉余惟公生平喃喃言若不能出口至趨急赴義傾橐為之終不餘力而退讓矣連策名服政義不避艱不憚以身殉之母亦其持養者豫耶素窮達而塞不變公置有定術者歟是宜銘銘曰孰育吾身曰父母兮孰其死也瞑其骨兮昔以一刻報吾母祠則萬仙垂之不朽於萬斯年

苑馬寺卿查偉墓 在城南小教場

山東登萊兵備道孫健墓 在城東林泉寺側

光祿寺少卿楊掄墓 在城東南班登山

戶部右侍郎兼都御史總督倉場揚方盛墓 在同

上

浙江温州府知府李閏詩墓 在城南甬角山麓俗



傳其地為天鵝抱蛋讓朝戶部尚書王弘祚為撰墓

誌銘 賜進士大中大夫光祿寺正卿李公周思先生

海今夏始得請假歸公捐館客已三年其嗣繩武不

遠家焉代有名稱為鶴望族迨公父鳳神應前明為

層癸巳恩選未仕以公貴卓吳贈中憲大夫母氏贈

春人公中癸卯鄉試與先君子同榜後登戊戌進士

登甲第者三因恙告改國學隨助教六堂繼遷兵部

尚書市推閣臨清潔已括商船泊輻輳大司上其勳

寵命褒錫尋擢浙之温州守溫郡瀕海島寇不時竊

登公威聲素著消弭得法朝旨褒獎浸浸大用可謂

極明良之過後漸有權璫竊柄場電為奸公秉法剛

不解脂韋術日擊時局竟掛冠神武門賦歸來時杜

門修真絕不問公家事者二十餘年會永曆行滇以

公碩德重望特起光祿大夫為朝端楷式公屢疏乞

骸骨乃酌夙志而眷注猶隆告歸林下已衰年矣而

凡為地方廷命朕培風氣者無不極力為之如創修

佛寺而等意逃禪偈達宗祠而推恩收族皆其貽謀

之車有可紀者自餘則惟耕田課子蒔藥著書望之

如山野之氓未曾登朝著者然於戲可謂賢矣直指

某君為公分枝楚閩時所得士特捐金撤郡伯為建

石坊於通衢顏其額曰父子中憲用彰濟美而品題

皆佳又以見公藻鑒之精馬子故敢以世講誼私謚

之曰清介非諛也道其實也公諱聞詩字大雅號園

思別號還陽子生於明高曆甲戌閏十二月二十一日辰時  
日己時卒於本朝順治己亥閏三月二十一日辰時  
享年八十有六身歷六朝回憶餅賜紅綾堂開綠野  
閱五十載晨星碩果蔚然靈光所謂生榮死哀公其  
兼有之矣公先配趙氏多內政贈恭人繼配張氏旌  
表坊卓異恭人舉丈夫子二長繩武官國學典籍次  
繹武殤女子二俱適名族銘曰神羊  
惡邪公性秉之其遺蛻合藏於斯

進士解元莫與京墓 在城西坪

四川順慶府廣安州同知田弘墓 在城北小板橋

西

世襲指揮僉事祀鄉賢高藩臣墓 在城南樹金岡

推官田濟寰墓 在城北壽桃山頂

明威將軍張鷟墓 在東山廟北大理李元陽為撰

墓誌銘 隆慶辛未夏五月鶴慶張輔君以無疾考終  
於正寢壬申年閏二月二十八日新卜葬於

東山之陽因利於己辛向也冢嗣張庚弟張辛書其  
世肖履歷生卒歲月之狀衰經拜授於予欲丐言以  
發幽潛於既往起永墓於方來予謝弗能文辭之至  
再不獲故狀而述其概焉輔君諱鷟字圖南姓張氏  
直齋其別號也始祖張德廣西桂林府臨桂縣人由  
元朝阿思蘭下帥歸附我明及傅沐二國公征南遂

留守全齒衛千戶二世祖張輔隨征有功亦陞江浦  
 衛千戶蓋一門二千戶也輔止生琢琢留守雲南江  
 浦之官遽止於輔矣孫生晟晟襲改調鶴慶禦前前  
 所鎮撫因遭而家馬黑生維妣莫氏生鵬世以仁厚  
 相承至府君尤溫厚慈良崇尚孝義自承襲後遂節  
 推掌本所印屯屯君於軍士則優恤之於稅役則均平  
 之於廢墜則興舉之因獲下以獲上名譽日彰故委  
 督兵征尋甸賊憚其威名不敢犯督糧安而儲盡入  
 官帑不自私督工築鶴城敦匠事而綜理不苟督課  
 於銀場守程法而錙銖必公且事親惟孝事上惟勤  
 年未六衰謝政意付其子志在樂耕田園愛覽書史  
 凡夫勢利之事不復操於心矣距其生弘治庚戌六  
 月十四寅時享年八十有二娶奚氏知州美淑之次  
 女也克盡婦道德音不遠生子男二鳳毛分丹穴之  
 秀麟角遺甫草之祥長即指揮張庚見掌禦篆山外  
 年曾中武副榜次即盧膳張辛明經砥行辛酉曾中  
 文副榜蓋徵諸旌徽也二千戶王恩百戶何寵乃  
 其婿也庚生孫男六奇烈奇謀奇志奇猷奇翼奇翰  
 曾孫六曰濂曰澂曰澄曰頌曰瀕夫是茲斯著  
 藝藝之生瓜瓞行綿綿之慶也辛生孫男二奇綱奇  
 維皆肆舉子業夫是潯潯杜葉敷周道之繁陰鞞鞞  
 棠花炫虞庭之彩色也觀狀之所述如此及考其德  
 尚經雄祖凡五世每世止延盾一子廕祖職本支亦  
 微矣至君歿子若孫附棺相嚮而哭者三代十六人  
 皆積德之致也官由千戶鎮撫而進指揮皆繼述之  
 善老無疾而全歸者明哲之驗也夫積德垂裕之謂  
 仁全歸保終之謂智繼慈述世之謂孝原其督兵督  
 工督糧督課而勇而勤而慮諸善志備於一身是足

微行修於家而善稱於鄉矣又能教成於子庶餘於  
孫謂非貽謀之遠耶而不苟於位得伸其志得展其  
猷欲快復乎昔之大帥抑何難哉嗚呼天雖靳其施  
世德已開於前矣將來不克昌於後乎唐之昌黎誌  
貝州李司法之墓謂其孫以翺必大起而發李氏之  
蘊今奇網奇翼皆府君之孫府君之考學道能文必  
顯於科第者即府君之以翺也張氏之起而大者不  
在翺乎予淺陋不斐之言不足為輕重故即昌黎望  
以翺之意揭諸封隧以示後人

懷遠將軍呂夢熊墓

是否本縣人於志無考

在馬耳山麓

武德將軍朱絃墓

是否本縣人於志無考

在城西南鷹峰山

望天石西南二里

范將軍墳

在城南十五里漾弓江西

李善人墓

在落越山即今象眠山俗傳其墓為屏

牛望月蓋山向與他墓絕異郡人揚諱懷玉為撰墓

表

予少時側聞長康一圖多善人而李公茂英與其  
配揚孺人為最心識之及讀子張問善人之道曰

不踐迹亦不入於室意有所觸欲一親考其為善之  
實繫身於府庠未暇也弘治壬子丁父憂家居避  
特假公閑樓修業始見公質直好義立身之勤且儉  
具有可法鶴鳴而起萐萐為善歷久彌篤為孺人富而

仍勤儉能中禮澣濯補綴戒旦即起嚮晦乃息久之  
 如一日蓋物力之與時光兩致惜焉乃嘆里之游手  
 情農竭歲資營日富皆公夫婦之罪人也蓋公之善  
 冠乎鄉人之上孺人之善趨乎女流之外微公無以  
 彰孺人之懿美微孺人亦豈能佐成公大業之富有  
 威德之日新哉使公早歲即側身學中復得益友明  
 師以充其美質則雖未能入聖人之室亦庶幾乎登  
 堂與惜哉公名茂英乃永之次子迎之孫其曾祖曰  
 均林母氏趙諱鳴祖母氏田諱秀貞曾祖母氏楊諱  
 滿致仕郎官李公及四川按察司事府趙公皆公之  
 先塋也孺人名從本鄉金登揚原之長女育三子孟  
 曰文明娶趙氏汝福仲曰思傑娶楊氏福財季曰克  
 讓俾業釋短折曰榮曰儒曰沉曰雲騰公之孫也長  
 女曰直通大族楊喜次女曰秋適吾表第李吉祥凡  
 公之衣衾棺木之厚李與趙公多加意焉公丙寅生  
 正德庚午年十月十四日終於正寢墓在落越山原  
 附祖塋空右畔俟孺人百歲後祔公每以未學為恨  
 乃遣若孫並遊吾門以講讀使能日進不俸又焉知  
 將來不大成以應公與孺人之善歟茲因二子持狀  
 請記特述公與孺人之善行泐於碑以示後人且以  
 勸鄉人

伏虎本空禪師塔 在朝霞山

義俠紫霞和尚塔 在城西南眠龍洞側

太僕寺卿雲南布政使司左叅政曹起鳳墓 在城

西南海西西山頂

江西糧儲道李斗墓 在龍門舍西山麓

孫義官墓 在東山麓翰林國史院編修朱之蕃為

撰墓誌銘

義官孫公諱昂字志高鶴川巨族原籍浙

江紹興府餘姚縣始祖諱岳仕唐明宗朝

招討大將軍傳七世曰介以文章鳴世介子曰應時

登宋淳熙乙未進士第號燭湖與朱晦翁文公友善

迨我朝有諱齊賢者為邑糧長生浥米三石遂編成

守此齊賢生端端生昂即公公嫡夫人史氏生長男

曰說克昌厥家大有所積說卒於丙午次曰諒早亡

無後又次曰讚以庠生應戊戌貢登監聽選銓曹說

生翰字鳳翥以禮經中弘治辛酉鄉試次舉次習守

成先業讚生翥翺翹習五子公與夫人教德行善

同以利濟為懷嘗創修落鐘寺前二橋俾免徒涉而

妻父遠故按察使某公有詩贈之曰家饒菽粟凶年

散人荷恩私背後揚忠厚存心忠厚報慶源長似瀑  
江長觀此足以徵其實矣公生己亥夫人生丙申享  
壽八十同卒於弘治之甲寅擇東山之麓為合葬焉  
年久鮮有以墓而不墳為慮者乃鳳翥偕弟翬告  
曰吾祖清白傳家每以勤讀及忍字示戒吾輩故鄉  
閭至今交口稱誦吾父早喪而未成之志微吾兄弟  
其孰與終之既捐資伐石崇壘土塋建為宮室之制  
不可無銘用敢以請予聞而矍然曰嗚呼先民有言  
祖有善而弗知是不明也知而弗傳是不仁也今鳳  
翥之所為既明且仁而事死如生事亡如存誠哉其

為孝子順孫之事也他日躋膺仕登廊廟以有為於天下顯揚先烈寧止於是已哉公與夫人潛德幽光不可殫述謹舉其大者銘之銘曰天有四時好生為春人有四端好生為仁夫夫我公心洽於民成橋傾索助舉指囿他諸善舉難以縷陳人稱義官吾仍謂之仁人嗚呼乃如之人食其報不於其身亦必於其孫子

右都督鶴麗鎮總兵李發美墓 在城西秀邑村後

孟津伯魏勇墓 在城西白馬廟後 按勇何處人因何封伯及受何

代封均無考查劉健庭間錄載勇於順治十六年六月與懷仁侯吳子聖襲永昌執張應昇等語是勇實明清間人而旅卒於鶴者

普洱鎮總兵崔善元墓 在城西白馬廟後

襄陽鎮總兵吳士英墓 在城西白馬廟後

教贈文林郎征緬戰士馮士卿衣冠塚 在城西坪

翰林院編修姚元之為撰墓表 今上御極之元年辛巳秋余同年友馮簡

堂先生治裝歸里入都話別出所述太翁及太孺人行狀注然曰不孝終天之恨雖海枯石爛無窮期也顧既不能起沉冤海底求伸於生前要不能不亟思泐銘行石間俾伸於死後辱在譜末用敢泣述先德

一二求賜之表以圖不朽以緩不孝推心之痛忙於  
而許之余讀竟而慨然曰自三才分而五常立忠孝  
節義四者亘古今而不滅與日月以爭先故學校隆  
崇祀之儀朝廷有予旌之典所以輔翼名教維持風  
化者意良厚也然或不得於此而幽光終闕則必借  
國之大慶錫類推恩以酬報之今觀於太翁太孺人  
而信然矣太翁諱士卿字輔廷先是簡堂之王考秉  
陽公無子太翁以胞姪入嗣時年甫四歲秉陽公撫  
育教養愛逾所生六歲俾就傅受書聰明沉潛兼而  
有之秉陽公愛之甚秉陽公官鎮標武畧騎尉功令  
將弁子弟隨標效力名弋什哈得一律應試然願否  
固自聽之不強而是時鎮臺譚公五格務令實行  
又考察嚴秉陽公恐蹈規避嫌乃勉令投筆入伍太  
翁怏怏受命然非所志也乾隆三十一年又七月奉  
派隨右營都司胡國英出師永昌進征緬甸由木邦  
蠻結一路攻勦節次打仗立功三十三年挑充頭等  
奮勇於正月十三日隨大將軍明瑞進攻猛城是役  
也我師方據搗巢之勢而緬酋潛肆掩襲之謀變出  
不虞自將軍公至弁兵無一已獨得瓦全恐被誑賣  
胡國英以所部皆玉碎而一已獨得瓦全恐被誑賣  
乃遂以打仗未出朦朧結報嗚呼以死殉國而死事  
又墜於上聞人子之至為慟心孰有過於此哉彼時  
太孺人年二十有五聞變數欲投縲以防護周不獲  
繼念呱呱者在襁褓中馮氏宗祀所關義不容不兼  
顧乃始勉起矢志守節以冀見遺孤成泣之一日不  
意簡堂年甫十歲而太孺人復相繼逝於泉下也見  
者尤莫不哀之夫以作國殤於徼外而四字了却青  
史莫由載其名蒙家難於閨中而七載未亡紫泥未



由獲其節閔幽光而不發同至德之無稱亦似天之  
 報施為或爽者而卒之簡堂於解綬之餘忽恭逢新  
 天子御極輦恩鶴載裝歸鳳銜誥至焚黃告墓先及  
 泉壤語曰不有得於彼者必有得於此彼蒼蒼者殆  
 有意曲成之耶不然抑何巧也在簡堂之意豈不謂  
 罔極之深恩而遭人倫之至變青燐碧血骨化莫歸  
 為人子最可痛心之事予意不必盡然夫人惟視其  
 素所樹立與夫其死之輕重何如史忠正為有明一  
 代名臣迄今過梅花嶺之邱即樵牧亦莫不肅然起  
 敬彼固具袍笏葬之而非必舉遺蛻而封之也沈明  
 德之後必有達人以太翁太孺人之潛德幽光而吾  
 簡堂又偃蹇宦途如是知他日食報必有不止於此  
 者簡堂歸其衣冠以是樹之墓道並大書於碣曰征緬障  
 亡某戰士衣冠塚其以是當禁死士壘撫採之戒石  
 不亦可乎道光紀  
 元八月姚元之表

父子翰林蔣祖培蔣鳴鹿墓 在城西南姜龍泉

兄弟進士廣西永甯州知州李重發翰林院檢討李

重輪墓 在城西南雙龍寺後

河南開封府知府莊蒞民墓 在西龍潭側

直隸唐山縣知縣馮晉錫墓 在城西坪翰林院編

修姚元之為撰墓碑 鹿阜先生漢之名士也與余同  
 登乙丑彭浚榜又同出趙雲講

先生門下蘭誼最親故知先生平生行藏梗概亦最  
悉先生榜名晉錫字承恩號簡堂鹿阜其別號也生  
有異質甫三歲大封翁輔廷公仙逝先生以孩童而  
克盡大禮太孺人呼天矢志撫育先生授讀課功以  
養以教五歲即令出就外傳其姿奕奕見者莫不嘆  
為奇才乃未幾而復遭太孺人之喪是時先生甫十  
齡耳先生以垂髫之年而侍疾盡哀等於成人見者  
尤莫不奇之由是奮志詩書既免喪年甫十三應童  
子試受知於郡守江油羅公謂為遠大器非池中物  
自後採芹食餼屢試冠軍隨復受知於桐鄉錢漆林  
先生於校士語十四學廣文曰余視學滇南得一奇  
士為滇中僅有則馮生其人也由是先生之名遂大  
噪於三遠間家雖日益貧而學則日益富辛酉領本  
省鄉薦主戊戌失意幕遊河南山東西等省德配周孺  
人持家教子克勦內政先生以是得無內顧憂也至  
通籍於朝以知縣外用初授平谷令旋調唐山所至  
均能以廉能著在口碑嗣緣揭署府趙對墀于吏議  
擊之不中反受其傷人為惜之然而勁節清風譽滿  
直隸矣復以唐山任內因公賠累銀三千餘兩一貧  
如洗無術補苴遂至蹶蹶不復振唐山士民兩次呈  
請上臺准予復任均以格於例不行而先生恬然自  
安視利祿如敝屣益博覽星緯卜筮堪輿諸書旁及  
釋典百家無不精貫尤工翰墨行草真楷堪為後學  
圭臬噫先生鍾嶽瀆之秀靈協扶輿之正氣少即穎  
悟十行俱下長而力學邃養鑄史光明磊落為  
一代偉人使得展其經綸抱負內而臺閣外而封疆  
作本朝柱石名臣殆不為過乃以阨於時運居林  
下薦紳深惜之先生殆不為過乃以阨於時運居林

人出文熙歿於唐山署內文燕文鏞副室陳孺人出  
回籍後卒今繼起而承先業者獨仲子文郁所望先  
前裕後紹衣之德其在茲乎辛巳秋先生來都門與  
余話別謂太封翁太孺人莫已四十餘年未有墓誌  
昨聖駕西幸予以封典請叙於余因不揣固陋并述  
先生事蹟俾揭於壽域以俟輜軒之採擇焉是為序

鶴麗鎮總兵譚五格墓

在城北五老山麓

浙江武康縣知縣李根玉墓

在城西坪

解元張維桂墓

在象眠山麓

山東德州衛守備周天貴墓

在東山

江西貴溪縣知縣段克瑩墓

在城西南鷹峰山麓

江蘇銅山縣知縣趙毓丹墓

在挑樹河

知州銜澂江府教授張星耀墓

在城西南松坪自

為墓誌

予幼性鈍未能奮志詩書慰先父母望十八  
歲遊泮二十八由優廩生考取己酉科拔貢

赴北朝考以復設教諭回籍候選教讀多年務期無  
愧於心七赴鄉闈房薦者六辛亥壬子均由薦恭調  
補膏火肄業五華軍興從戎十餘年屢蒙大憲保薦  
均極力固辭於澂江業內蒙督部堂劉撫部院不  
會捐保加知州銜以直隸州判儘先選用實出外  
五十二歲奉文借補永北廳訓導六十二歲歲歲升

江府教授八十二歲告休回憶投筆從戎不附逆黨  
不受偽職不取非義不虛無辜公忠自勵誠無一事  
不可對人言半世苦心差堪自慰而今而後吾知免  
夫至如賢荆趙氏乃毓輝公女張公富堂撫為已女  
歸予後助先母力主中饋婦道克敦生男二女一有  
子為貴夫復何恨獨惜年三十許大劫頻臨逃於兵  
火阨於瘟疫嗚呼痛哉予念及精糖誓不再娶聊慰  
亡魂於地下迄今馬鬣榮封五品燦金花之誥麟趾  
濟美一堂聯玉笋之班死而有為  
知常亦含笑於泉臺矣是為序

直隸望都縣知縣潘餘慶墓 在城西白馬廟後

家口營忠義合塚 在城北如意山麓州人丁泰為

立碑記 湖自咸豐丙辰回匪猖亂迤西各屬地方悉  
為杜逆所據民生塗炭歷有年矣洎同治乙

丑年十月初二日前署維西協楊忠愍公統精兵二  
百餘人出奇制勝恢復鶴城筋令大小村寨編聯家  
口營所以資守禦備緩急也未幾杜逆自榆發兵十  
餘萬重攻鶴城楊武愍率家口營與賊大小數十戰  
卒因寡不敵眾身帶重傷退城堅守各村以次淪陷  
惟赤土河之家口營歸然獨存凡小村忠勇之士咸  
携家口屯集其中籌畫禦敵攻圍之策不意部署甫  
定賊等已用地礮轟破城隅而城遂陷旋即移兵圍  
攻赤土河鏖戰五晝夜而營乃破大肆屠戮躬被鋒  
刃者六百餘人飲劍自殉者難以勝舉血流尸積慘  
不忍言此十二月二十三日事也鄉之人就坎富處  
聚而封之以成一塚迨壬申年全滇肅清蒙雲南採

訪忠義總局詳請撫部院杜彙案具奏於光緒三年  
八月二十三日奉旨旌表忠義准其建坊入祠本年  
三月十九日足紳高培甲王建中復就其故塚覓石  
建碑蓋將以安忠魂修祀事而垂忠義之蹟於無窮  
也泰親臨塚側撫今追昔不禁有所感焉夫忠義之  
氣出於性生自古名將雄才遭逢變亂相與陷陣衝  
鋒禦侮敵愾請諸往籍所在多有至若家小為營與賊  
抗拒內無糧餉外之救援金湯已破於一朝老弱猶  
持夫數日同捐軀而取義不降賊以偷生此其澤義  
民不尤為史策中所罕見哉當城未破之時泰與勇  
氏李輝和俱在城內營內嗣因子藥匱乏奉命出城  
請領至中遠而城已陷為賊所隔不能旋營大難當  
前得以幸免豈蒼蒼者故留泰於數十年後  
俾表揚其巖末而以慰地下之忠魂也耶

贈太常寺卿張奎斗墓 在西山麓金鐘為撰墓表

光緒己酉秋予以拔貢奉調會考甫抵省聞同邑張  
君光廷染瘴病篤亟走視君語予此行無益於國既  
不克遂遂馬革之志而仍不免與尸以歸因嗚咽予為  
寬解語俾靜攝乃去翌日遂卒其孤扶櫬歸葬越三  
十有五年己未君長子國榮具狀俾其弟華詣予請  
曰先府君之喪歷三紀矣不肖兄弟無似今乃始得  
表厥墓道願府君生遭亂世志節不盡暴白於天下  
欲藉大君子一言以資論定用敢以請予知君較悉  
又於君有獲葦諷不容辭按狀君諱奎斗字光廷一  
字星垣姓張氏父天福以君貴贈通奉大夫母楊氏  
贈夫人通奉公生丈夫子二君居長君之生也有異  
徵通奉公愛之七齡俾入塾性穎悟讀倍常兒年十

二能屬文值亂興通奉命棄儒從賈時偽大司平馬  
誠據騰越久有歸正意未發見君英姿勃勃與語異  
之聘為商務主任君受事綜覈精密運籌決策措置  
裕如馬益奇之一日屏人語曰吾觀君非市廛中人  
吾欲屬君以前部參軍事君默弗應馬察知君意因  
密吐誠悃君始諾馬命君率鄉勇進紮平川君陰誠  
所部曰平川民苦被兵久矣吾今住此不求有功但  
求真擾苗有犯者雖一草一木必無赦君等其善會  
吾意所部肅然已而聞楊武愨公統西征兵次姚州  
君曰時可乘矣乃隻身赴姚謁武愨密陳軍務數事  
武愨大悅委令攝賓州事兼總糧餉賓川毗連大  
理數被侵掠君至則多設為方畧繕城濬池暇輒與  
諸生老民講學勸農賓之人終君之任若不知世亂  
也者及君去後見思乃始以善教民愛立石頌德其  
理糧餉務持大體捐苛細不煩不擾以故各屬皆輸  
將恐後軍用不匱武愨遂資之以劑平大難而君亦  
以軍功歷保至花翎三品銜分省補用知府滇亂平  
後武愨鑒於范蠡前事陰思為五湖之寄議設雲茂  
興商號而以君總理其事君由是經營於楚蜀間者  
又歷五年之久乃告歸家居久之會法越構兵武愨  
公再起視師飛函台君君方招集舊部而武愨與尸  
之耗至君不勝大憤是時制府岑襄勤公駐軍關外  
君因率所部往投劾至則襄勤甚加青睞方欲倚以  
當一路而停戰旨下矣君不得已振旅還闕外本瘴  
鄉君與士卒露宿風餐感受癘氣到省觸發遂以不  
起哀勤哀其志節為請於朝詔贈太常寺卿廕一子  
入監讀書期滿以知縣用於戲人生百歲終歸一死  
死者人之所必不免也觀君與予語亦豈畏惜其死

特志存報國屬兵秣馬未及交鋒而牖下告終遂若  
雖以岑寂孤館之堪表亦與畢命於免女子之手無  
異庸詎知朝廷勸忠之典志節亦既表暴曾不以移  
時移地殊哉吾邑讓朝二百六十餘年間衣冠之盛  
與他大郡埒而文臣歸終之典得贈九列者惟君一  
人異微之來蓋有自已於戲君可謂不死矣君生於  
道光甲辰年三月二十四日卒於光緒乙酉年七月  
初六日享春秋四十有二以卒之本年十二月十八  
日葬於鰲魚山祖  
榮子男四某某

貴州提督諡壯勤蔣宗漢墓 在東山大福地

孝子蔣闕齡墓 在同上

兩浙鹽運使丁彥墓 在城西秀邑村昆明山東提

學使陳榮昌為撰墓志銘 丁氏故蜀籍清康熙間有

任鶴麗鎮左營游擊遂家於鶴慶七世而至君君諱  
考字碩甫同治間由附貢生佐楊武慈戎幕歷保分  
省知府滇北平奉母家居不仕先緒間法越之役岑  
襄勤公調君分統定遠副字五營與其弟衡三軍門  
國攻宣光尋克復廣威府不拔縣等處和議成保升  
道員加三品銜復歸養母命之仕乃入都籤分浙江  
歷充要差事皆治署抗嘉湖道以修海塘功賞加二  
品頂戴升署浙江鹽運使以母年踰八旬告終養承  
歡四載母卒服闋遂不復出滇督丁公奏委總辦雲  
南騰越鐵路兼鐵路銀行聞兄喪辭職里宣統二

年滇督李公札委總辦雲南造幣廠改革後充實業  
 司副司長旋署鶴麗鎮兼統兩營是時大局未定言  
 麗事雜君遂辭職赴鄂與其弟衡三相聚衡三既任  
 將軍府奮威將軍邀君入都未幾感疾旋鄂以丙辰  
 十二月二十三日卒春秋七十有三子四人慶年夫  
 人李氏出先君卒康年錫年喬年如夫人黃氏出康  
 年既扶櫬歸里將以丁巳冬十一月三日葬於鶴邑  
 西山下秀邑之原錫年來乞銘予與君戚且舊素稔  
 君孝友愛人家居時建宗祠修邑志捐資創辦賓興  
 邑人士贈之額曰嘉惠士林而又嘗以藏番聲譽蔓  
 延滇邊大吏誤為民叛調兵圍勦君電省力辨其寃  
 以全家保之乃易勦為撫全活無算各屬感其德贈  
 之額曰恩蔭五境嗚呼可謂善人矣為之銘曰維木  
 有根維泉有源矧日人道養豐敦隆不易三公以老  
 吾老出我之餘濟人之虛斯亦使使矧乃大慈拯眾  
 於危百口是保德為壽基厥年古稀天道非者零死  
 何傷歸葬於鄉首邱願了秀邑之原有封其  
 阡有宿其草我銘請幽萬有千秋石文走考

普洱鎮總兵趙偉墓 在城西馬鞍山

誥封中議大夫鄉飲大賓邑諸生揚諱友棠墓 在

象眠山頂子金鑑金鎧表於阡 嗚呼惟我皇考通議

滇省民軍與時蜀亂方殷不肖孤金鑑留滯成都不  
 肖孤金鑑念世變非常先靈之安其不可待乃十日  
 湯莫府君於橋頭孩桃坪先塋之次是時南北分裂  
 兵革未息越二年不肖孤鎧由永昌量移劍川任便



道歸里隨罷縣家居始獲與不肖孤鑑表於墓曰嗚  
 呼此吾先考府君永遠奉安體魄之所也府君諱友  
 崇字詠三號化南鶴慶楊氏世系具詳先大父濬川  
 公墓碑不復載濬川公生子二先伯考諱友善居長  
 次為府君府君性肫誠聞長老言自其幼時即有康  
 濟志年二十五舉州試第一值亂起罷試其明年為  
 咸豐丁巳杜逆造其偽將軍朱開元寇鶴橫肆焚掠  
 盛金為空又疑有害金縛府君於庭梁拷索甚酷求  
 脫無術自今死矣會有天幸府君以伯之高無子也代  
 所臨陣違法當斬自必死矣會有天幸復得不死  
 行後乃挈家屬竄匿深山之中久之亂稍平始即松川  
 自後乃擊家屬竄匿深山之中久之亂稍平始即松川  
 貨廡居並借小賀自給一日亂兵過境府君晨起於  
 望見有兵拉婦人充遠役相持洶洶樞襪兒驚泣於  
 懷府君憐之顧謂兵兒離乳不得生盍釋之以彰盛  
 德兵弗顧再為道地則反面來振府君適有行人耦  
 語曰是非某先生耶先生者邑俗秀才之稱兵疑為  
 諸生乃捨去府君嘗飼有馬黑質而白章諺所謂喜  
 鵲花者也一日蔣壯勤公兵過駐軍有弁目見而愛  
 之欲以勢奪也則謂馬蹄傷其圍人會壯勤有殞宜  
 郊迎弁目矚其已出郊遂鳩眾尋毆槍械俱下忽有  
 街壯勤命諭止者則糧臺故人某也已復以公命索  
 馬並拍府君半生橫逆之遭每於萬險中忽得天幸賴  
 君歸府君君信道故篤至是益自信不汲汲營生計食  
 如此府君告曰徐之早炊無米天有道理家人或病  
 盡家人以告曰徐之早炊無米天有道理家人或病  
 其儒縷曰若汝言不餓死耶卒置之顧亦卒  
 未嘗至炊之果絕也府君既遭亂不得志晚年則行

所志於鄉每邑中有難紛請排解近徒步遠以騎迎  
 無不赴嘗輯儒先語錄並雜採佛氏福田因果之說  
 為駢語自警號化事箴言旬叙謂早年見某公處某  
 事有強弱無是非心忿甚顧彼其時已於於者兩無  
 與無如何也故至是壹意反其所為而務持之以平  
 不肖孤兄弟每見來騎在門輒進曰鄰里有競爭猶  
 孟子所謂同室之鬪也至隔圖甲則鄉鄰而已矣大  
 人春秋高直復可乘騎宜謝勿往且品評曲直和解  
 事訟完屬干預郡邑有司之權府君曰是何言夫儒  
 者達而在上則平萬物之蓋窮而在下則息一方之  
 事凡以儘力之所能及豈有限也且吾但排解之並  
 未迫之使從何權之可干預不肖孤兄弟乃不敢復  
 言府君生平行誼甚高不肖孤繼早歲遊學四方不  
 肖孤雖年幼周聞知及通籍復服官京外侍側之日  
 均少故所得祇此以讓朝宣統三年九月初二日子  
 時卒距生於道光十二年四月初一日長時享春秋  
 八十其葬以是年十二月初一日巳時先妣張夫人  
 前府君三年卒葬於蝴蝶展翅地子男子二某某女  
 子三適某某邑人趙  
 文治書丹並填諱

代理知州幹君元忠骸塚 在城西文峯寺後金鐘

為表於墓

嗚呼成同間迤西軍事之興其初但曰漢  
 五鬪而已後乃竟釀為大亂垂十有八年

君子小人之化為猿鶴沙蟲者不可勝紀綜計各郡  
 邑無一得完而吾鶴慶則於各郡邑中糜爛為尤甚  
 豈非以悍弁張正泰盤踞於是日日聲言殺回而以  
 鶴慶為回樹眾矢之的哉夫回眾既戕官據城稱偽

大元帥殺之豈曰非宜特以張氏之勤派軍需極刑  
 拷比小戶括瑤銷釗大戶打牢抄家致使鬻子賣妻  
 懸繩服毒等人命於草菅而曰吾以濟吾軍事而扞  
 禦爾譬則以漏脯捄飢鳩酒止渴雖其飢渴亦暫抹  
 止而死亡且隨之矣又况自與楊舉王遇文齟齬後  
 日惟仇讐相尋外患方殷內訌復起楚歌幾於四面  
 不去張氏鶴難未已苟稍有知識者無不知之顧卒  
 未有起而圖之者則豈非以積威所劫如負隅之虎  
 懼擊之不中且轉為所噬也哉然則故邑侯幹公則  
 可謂出萬死不顧一生而為鶴民延旦夕之命者已  
 公謀誅正泰及正泰弟遇泰殺公事俱具本傳中不  
 備載於戲公之謀誅正泰也已久矣其於虎口矣  
 然特懼擊之不中轉為所噬耳乃正泰亦既伏誅矣  
 而天顧縱令其弟遇泰憑藉回逆勢力以戕我賢父  
 母而快其報仇之志豈天於元兇極惡淫昏之鬼亦  
 有所袒護耶公既死難之五年林公森棠復殉難於  
 城之東北隅公鄉人也邑人既重公復招林公之魂  
 陪葬於公益其不孤矣歲庚申邑人議修縣志蓋距公  
 鄉人公益其不孤矣歲庚申邑人議修縣志蓋距公  
 之亡一周甲矣予既為公立傳列之循吏以為他日  
 請祀名宦之張本並草  
 此付司事者俾揭於阡

護理知州林森棠忠魂塚 在同上金鎧為表於阡

嗚呼此乙丑殉難吾邑故侯林公森棠衣冠塚也公  
 之於吾邑則可謂以勞定國以死勤事者矣嘗讀陸  
 稼書先生靈壽志其論名宦曰祭法以勞定國則祀  
 之以死勤事則祀之今如戊寅殉難之馮令登鰲高

不得祀於名宦此所當續議者蓋先生於名宦之祀  
 持論如此其後馮令之與祀於名宦否不得知然先  
 生一化大儒從祀孔廟此論既出靈壽名宦中之終  
 必有馮令登鰲一座此可斷言而世之致疑於良有  
 司之崇祀無所適從者抑亦可以得所折衷矣公之  
 殉難於城墻之東北隅也以督開地洞時賊已於城  
 外掘地洞楊武愨公偵知之議於城內橫開地道以  
 截之公親為之督率乃內洞未開而外洞之地雷已  
 發城垣轟陷遂被壓同時壓斃者三十餘人城旋被  
 據為賊巢其後六年庚午秋王師重行克復公之忠  
 骸已混合於同被壓之三十餘人遺骨不復可辨認  
 邑人哀念公之為國而死乃具衣冠引魂而葬之於  
 是於戲慘已予於甲午與二三同人修州志以公蒞  
 官在離亂之際政績無所聞而殉難則昭昭在人耳  
 目間特立小傳列公於忠義及見靈壽志而悔之歲  
 庚申邑中續修縣志同事舒君舜臣楊君子棟謂予  
 曰舊志列公於忠義似未協予曰微君等言亦已覺  
 其誤今請列之循吏以為他日請祀名宦之張本其  
 可乎既應兩君並序原委屬司事者表  
 於所以當息壤時在民國十年四月

民國步兵中校王體元墓 在東山麓邑人王崇矩為

表其墓

民國鼎新之際吾鄉青年子弟爭以功名顯  
 旅團營長怒筭齊發甲於四區而學業事功

要以王生體元為最生由高等小學而中學而省垣  
 測繪學鱗次遞升卒成業京師模範學時洪中測繪  
 員之前督部李公經義指名電調生整裝就道行次  
 滬上適武昌軍舉義擁恭公元洪為軍都督各省

颺從而達業尚自負鳴未下體元查知世潮所趨未  
 可故抗則沂江西上杖策走謁恭公謂如以兵下江  
 南請以偏裨自效恭公壯而許之既行而北軍已  
 過河旋隨大軍援鄂民國成立甄錄叙增少壯時  
 公以副總統兼參謀總長仍鎮武昌伐謀運籌倚體  
 元若左右手馬繼因第二團教育無方復奉令充教  
 練官移駐沙市會荊州鎮守使丁奮威將軍槐聞生  
 學識俱強聘調為一等參謀官第二次革命江西事  
 起劉鐵率隊來窺荆襄生佐丁公平劉亂為中校  
 丁公去職使署移治襄陽恭公天才以師長兼攝鎮  
 守使恭本丁公舊部又係同鄉蕭規曾隨生任參  
 如故項之轉受十三團團附供職未滿略與身士  
 繞三十嗚呼痛哉恭師長篤念舊勞呈報政府得  
 郵如例生兄體中輦其骸骨歸葬英祖塋體元嘗以  
 誰受業於余其文章英姿雋發與其人畢肖少年河  
 折不禁嘆惜久之生名新績字體元澤民次子澤民  
 生二子長體中次即體元也出贊郭門無子以兄  
 槐清承嗣墓石將立余自騰歸里畧表其大畧如此  
 云

後表樂善好施二品封職舒金和墓 在城西坪前

任迤西巡按使劍川趙藩為表其墓 鶴慶舒君翰才

子女為子婦甲寅春其叔父麗春太公稱八十之能  
 曾囑予撰楹詞胸又八年而太公謝賓客翰才復與  
 其孤來乞墓表之文嗚呼歲月不居老成凋謝是  
 悲感者已乃振筆而表之曰羅均之山發脈昆侖

峙於滇之西鄙高深磅礴大幹龍行支絡森布稱全  
 滇祖山山下為麗江鶴慶劍川蘭坪治所邦人士子  
 育靈秀其以德行文學政事藝術農商貨殖造極  
 異代不乏人近數十年間遠近交口謂闡闡之聞而  
 射士君子之行足以光貨殖之傳者厥惟鶴慶舒大  
 公舒太公云太公之家清門中落祖若考至撫採佐  
 讀母若大母至鬻漿給朝夕又不幸而重闡相繼奄  
 忽太公與兄麗川公暨黔孤露晝斥賣室中所有以  
 畢喪葬而徒四壁立炊烟不甍兄弟輟泣出游往來  
 永昌騰越之境麗川公從醫家學岐黃方脈太公則  
 依商肆學會計懋遷稍稍瞻饒粥立室家乃未幾而  
 後亂四起避兵回里麗川公道卒於雲龍遺子良弼  
 即翰才也生甫七月耳太公聞追兄柩安葬撫孤  
 養無失所又未幾而鶴亦為寇陷時太公方於滇蜀  
 之邊中甸打劍鑪轉輸市易至走取細弱僑厲金沙  
 江畔之烏竹村帶甲滿地猶延師購書以課子姪蓋  
 數十年間太公所遇可謂極矣人生之至艱而太公之  
 濟屯而亨精誠感格亦若陰有天相迨至亂定壹意  
 商業崇信義通緩急非盡恃操奇計也而德則屢  
 中日隆隆起分肆所及遠如蜀身吳楚緬甸仰先諸  
 埠舉莫不知有滇之舒太公者狩歎感已太公既拔  
 起於艱窘困頓兵燹流離物力之艱難人情之誠偽  
 躬歷心會榮觀超然自奉則約澤物則豐於是內而  
 集族譜修祖塋建宗祠設家塾置祭田義莊麾斥巨  
 萬弗靳外而重新文廟書院修橋梁道路立善堂以  
 濟貧刊善書以化俗益鄉之事不可枚舉又麾斥巨  
 萬弗靳疆吏疏聞獎建樂善好施坊于二品封典以  
 故自軍興而後鶴慶武至提鎮文至監司遭際時會

聽舉雲合而太公以一布衣迎翔其間鄉里之信仰  
 稱道若軼而上之其所由致豈不偉哉曩在辛未秋  
 末武漢起義漢人翁應予時告養山居迥微出駐大  
 理學畫西亭傳檄各郡戒備去輯而鶴麗張鎮百嚴  
 任所募新兵廣集鶴境憲持兩端得太公概捐五百  
 金倡紳商啓當事資以解散境圍安堵其事尤責噴  
 人口抑予又聞太公之教其子良輔良佐也謂吾胞  
 於過讀書未成若輩幸不憂飢寒其努力讀書請書  
 人志向在明義理教品行毋徒艷科第任宜大哉言  
 乎翰才舉乙酉鄉貢歷京朝官良輔起諸生筮仕四  
 川需次道員良佐三品職銜諸孫蘭玉森立皆循謹  
 稱其家克故太公家法然也餘太公生早所樹立存  
 不欺其心好行其德如歸陝商滿記之八百金歸朱  
 煥文鎮軍隱寄之萬金可謂皎然不欺矣幼受騰越  
 張某助婚費酬以千金晚年復捐千金修縣志偶立  
 施未局以竟未完之志可謂樂善不倦矣蓋其剛毅  
 之性仁厚之心勤勞之舉動淡泊之襟期皆起於世  
 俗宜其大耋康強福祿考終卓為完人不獨居近名  
 山得氣多壽而已舒氏之先居江南上元明嘉靖間  
 曰應時者始駐鶴慶藉七傳而至以勳則太公曾祖  
 也妣高氏張氏祖續妣晏氏考國寬妣蔣氏皆以太  
 公義捐獲獎考皆贈通議大夫妣皆贈淑人太公諱  
 金和麗春其字生於道光乙未年六月初九日卒於  
 民國十一年壬戌二月初六日春秋八十八歲西山  
 配孫夫人先卒副室左  
 夫人子某某孫某某

右邱墓凡六十有四

鶴慶縣志卷一之下終

